



2

977037

蘇堪  
先生  
像  
李維格



海詩

藏

櫻



光緒壬寅  
刊於武昌



雲近感事詩曰藏書豈尙有名山覺其音哀以思  
始或出也尋蘇龕書至屬序所爲海藏樓詩噫異哉  
何自得雲言輒欲藏樓於海度其詩慮名山如雲所  
謂哉若乃其詩則不食人間烟火者夫雲交蘇龕二  
十年餘中亦多故矣卽離合之迹蓋嘗相望於周肅  
慎遺墟秦徐福故島心目中要時時有一開徑獨行  
之人之詩離猶之合也吾郡東南一大都會蘇龕故  
僑青溪盍山雲所宅春秋佳日四方之名者多共游  
讌至風瀟雨晦鐙火虛堂相與晤言世不遺自遠或  
雪屐躡巘月舲叩波興象旣超往往於塵垢之表寫  
以喁于則吾兩人所獨會幾何年不可搏弄也雖都  
會自若其岸而谷谷而陵可悲有在離合外者心目  
中益時時有一開徑獨行之人之詩將舉似於古古  
亦不盡似直蘇龕海藏樓詩而已矣然而海不可樓  
海中聞有三神山樓之以度不食人間烟火之詩儻  
亦其所顧旣刊不容藏傳之天下俾知五七言詩故  
三百篇苗裔推之至邇事父遠事君有生大倫無能  
外也上元顧雲

蘇堪寫定其詩示余顧子子朋所爲敘乃曰子芳草  
創詩話必有微言深愜可以敘吾詩者益爲吾一長  
言之略如姜白石所自爲詩敘若詩說余曰諾且爲  
君默記往昔彼此之言雜書之以爲笑樂余與君治  
詩者皆二十餘年相與商略爲詩者亦二十年初時  
持論若南山秋氣之相與高所謂否不稍假借用輒  
引爲詬病回思足自哂然亦可見年少負氣不如今  
之老大頑鈍譽不喜而毀不怒也君詩始治大謝浸  
淫柳州乙酉歸自金陵訪余於西門街則亟稱孟東  
野詣君案有手鈔東野詩四冊題五言古數章於上

陳敘

一

有精語足資詩學出示癸未甲申詩數十首屬爲評  
品題以詩題一五言古還之君乃以余詩爲精進時  
多過從夜談坐池旁樹下老屋盡兩三燭而去兩家  
老屋皆有池有樹君贈詩所云孤往希眞侶相逢亦  
冷蹤何緣疎淡意頗爲說詩濃者未久君將往天津  
作五言一首爲別自謂似顏延之北使洛喜余送行  
兩五律屢誦於陳弼庵又喜誦余建溪數詩余次年  
入都都下所知有能誦之者客天津書來言北地曠  
爽詩蘊皆盡大抵作詩亦隨地氣山川秀蘊則觸處  
成吟原野衰延則搜剔難就云云寄示浮海詩有風

煙知異縣道里計中原云云出都詩有出門俯滄海  
登高見帝都云云今此數詩集中皆不存文人喜割  
棄少作未必其前盡不如後也已丑庚寅入都君寓  
可莊所及官學案上手鈔詩本有晚唐韓偓吳融唐  
彥謙諸家北宋梅聖俞王荆公諸家君詩曰一變再  
變爲姚合體爲北宋服膺荆公而余感君言作詩盤  
鬱往復於中者稍久其出之也必有自耐咀味者乙  
酉後渡海游臺北沂江游湖南亦遂變其前詩一日  
遇君與季直於驟馬市相將入浴堂君解衣探夾袋  
出殘稿數紙則游攝山詩皆七言余以爲神似樊榭

陳敘

二

君乃爲此君曰吾向未嘗爲七言去年始爲之自後  
相見常論七言君始於七古常獨舉韋蘇州温庭筠  
然亦一時興到語所作如大阪登高感舊示李芝楣  
登北極閣登周處讀書臺侯府懷陳幼蓮石鐘山昭  
忠祠郝超漢陽琴臺子培見訪湖舍等篇皆半山遺  
山道園之遺何嘗爲蘇州庭筠哉君每言作詩無深  
抱遠趣所謂不可適獨坐者固已若處處不忘是作  
家而不敢極其才思誠作家矣然終於此而已安有  
深造自得之境其題晚翠集云云余故以爲至言非  
君莫能道者君又言律詩要能作高調不常作可也

老杜風急天高一首全首高調此外吾舉楊徽之天  
寒酒薄難成醉地迴樓高易斷魂一聯惜難易作對  
余曰君往事夢空一聯當復過之亂峯出沒一聯與  
放翁之江山重複爭經眼風雨縱橫亂入樓甚相似  
韓冬郎云人間易得芳時恨地迴難招自古魂非高  
調而落想甚高亦惜難易作對高調要不入俗調要  
是自家語元裕之多是高調卻無俗調高季迪前後  
七子喜高調遂多俗調東坡律句極少高調屬對每  
以動宕出之此祕發於沈佺期王右丞極變化於老  
杜吳都賦云欽寄乎數州之間灌注乎天地之半七

陳敘

三

律中對要有此二語體勢沈佺期九月寒砧催木葉  
二聯王右丞到門不敢題凡鳥二聯足以當之東坡  
云老僧已死成新塔壞壁無由見舊題獨眠床上夢  
魂穩回首人閒憂患長簾前柳絮驚春晚頭上花枝  
奈老何酒闌病客惟思睡蜜熟黃蜂亦嬾飛此例極  
多何等神妙流動身行萬里半天下僧臥一庵初白  
頭山谷謂當是初日頭曰豈有用白對天東坡曰黃  
九要改作日頭不奈何他往時葉損軒作律句對語  
喜工整余常以此例語之損軒頗從余言後又復其  
舊步沈子子培稍護青邱七子者余曰畱客山中生

桂樹懷人江上落梅花在七子中最爲清秀然亦着眼此桂樹梅花而不能舍耳若雪滿山中月明林下  
函關月落華岳雲開皆所謂干卿何事者抑人人適  
秦皆有一聯華岳三峯潼關四扇將若何放翁云老  
夫合是征西將胸次先收一華山則真能負之而走  
矣戊戌君來鄂所居隔一江歲暮約相督爲律詩余  
因言作詩起調不落凡近易結調不落凡近難君則  
言作詩用利筆易用禿筆難謂余寄弢庵送子培詩  
中有能用禿筆者殆卽書家折釵腳屋漏痕之說耳  
大抵詩要與象才思兩相湊泊有惘惘不甘之情不

陳敘

四

自覺其動魄驚心迴腸蕩氣也有自然高妙之旨乃  
使人三日思百回讀也李衛公之獨上高樓望帝京  
王荆公之南浦隨花去東坡之但有尊中若下元遺  
山之落日青山一片愁各絕句皆李嶠真才子語能  
使人悵惘損志者白樂天之一道殘陽鋪水中絕句  
坡公之雨洗東坡月色新決去湖波尙有情江東估  
客木棉裘竹外桃花三兩枝各絕句荆公之鷗鳥一  
雙隨坐嘯荷花十丈對冥搜丈夫出處非無意猿鶴  
由來自不知試問道人何所夢但言渾忘不言無無  
人語與劉玄德問舍求田意最高久聞陽羨溪山好



頗與淵明性分宜但願一門皆貴仕時將車馬過茅茨黃山谷之翰墨場中老伏波菩提坊裏病維摩近人積水無鷗鷺時有歸牛浮鼻過陸放翁之江頭漁翁結茅廬青山當門畫不如恨渠生來不讀書江山如此一句無我亦衰遲慚筆力共對江山三歎息皆可云高妙者姜白石人生難得秋前雨一首文與可此君庵之我常愛君此默坐勝見無限尋常人亦庶幾姜白石甚似孟浩然文與可頗類韋蘇州與浩然同時有李杜摩詰皆推服浩然與白石同時有尤蕭范陸楊皆傾倒白石白石如哭石湖寄誠齋等篇集中亦不多遇也又余嘗語君詩爲友朋而爲者居多然往往有數友朋焉爲彼爲之而常工爲此爲之不盡工者豈其意之屬不屬如靈運所云對惠連輒有佳句歟然又有刻意求工而不工不刻意求工而轉工又所謂仁興而得者歟二者事理乃相反則或者其工力之至與不至者不刻意則轉工天之事也至焉者意所不屬亦天之事意所屬又學之功歟子培工爲詩而不常爲嘗言吾遇蘇堪則詩思自生爲之亦多工毀庵詩爲謝枋如張幼樵而爲者常工於他作蘇堪工者固多而爲子朋而作者則尤工

且無不工是數者於前數說必有合者也君論詩宗旨可聽者實多以余妄見尙多已合復離近來亦罕有所異同然彼此亦垂垂老矣乃尋檢所存往來詩札及平日所言記爲誰語與不記爲誰語者皆書之以復於君壬寅二月十日陳衍敘

陳敘

六

海藏樓詩卷



鄭



漢



春歸 以下已丑

正是春歸卻送歸斜街長日見花飛茶能破睡人終  
倦詩與排愁事已微三十不官甯有道一生負氣恐  
全非昨宵索共紅裙醉酒淚無端欲滿衣

六月十六日觀洗象

去年英吉利滅緬甸

宣南洗象迎初伏萬騎千車夾水看法駕舊儀從齒  
簿玉泉新漲試波瀾蒲甘國破封難復莽氏民存業  
遂殘留汝南荒遺老在可堪有齒已先寒

海藏樓詩

九日獨登清涼山

科頭直上翠微亭吳甸諸峰向我青新霽雲歸江浦  
暗曉風浪入石頭腥忍飢方朔非真隱避地梁鴻自  
答星意氣頻年收拾盡登高何事叩蒼冥

題顧子朋齋壁

在龍蟠里曾沈左諸祠之側

客去晚窗明行吟山鳥驚殘陽一峰靜秋水半潭清  
几席餘文字祠堂近老成終知歸寂寞徒倚若為情  
雨中宿子朋齋臨烏龍潭

幽人默相感衝雨命藍輿樹暗城西路雲深水北居  
添衣攜短褐共飯洗芳蔬庭鶴聲誰警潭龍氣自嘘

對眠清榻冷立語暮鐘疏世事堂堂夕山中夢熟初

吳氏草堂

雨後秋堂足斷鴻水邊吟思入寒空風情誰似楓林  
好一夜吳霜照影紅

水痕漸落露漁汀秃柳枝疏也自青喚起吳興張子  
野共看山影壓浮萍

人日登陶然亭 以下庚寅

春來料理喚吟朋暖日江亭便可登林杪山光能映  
酒蘆根泉脉欲銷冰閒曹蹤跡人誰覺老輩追陪我  
亦曾猶有後山同刻意故應風味愛盲僧 寺有盲住持陳弼宸

海藏樓詩

二

太史與之熟

贈許豫生下第南歸

西笑頻嗟宦未成故山還我舊功名春衫泥酒重尋  
夢紈扇題詩又送行海上閒居娛壽母朝端知己說  
門生南歸垂翅吾猶羨姜被多年冷弟兄

為王幼霞閣長 鵬運 題易安居士小像

南渡遺孃流人伍老去才名誰比數歌辭激憤一世  
無小朝廷入真愧汝畫圖省識古詞女比似黃花瘦  
幾許趙侯贊之署德父政和四年歲甲午胡馬未窺  
想甯處歸來堂中正媚嫵生小聰明喜自賭金石圖

書圖記取暮年作序戒好古敘述亂離備悽苦何來  
雲麓與茗溪未識紹興老命婦建炎繫錄尤莽鹵俞  
君編輯年可譜行跡章章儼對簿半塘老人幼霞刻  
樂府殷勤軼篇手揆補摹圖徵題更誌語表微事較  
好奇愈茶蘼雲巢今何所趙明誠蓄石名雲巢又惟  
有流傳漱玉詞坐覺清暉照眉宇

官學雨中與陳笙咳夜坐

宣南五月翻階雨二客虛堂坐渺然聊喜素心共今  
夕忽驚浪迹近中年清談忍刺當時事歸夢貪尋自  
在眠來日閉門同索句便從正字證詩禪

海藏樓詩

三

馮園看牡丹

出郭車聲不厭遲尋春聊赴好花期園林客裏重游  
地風日樽前絕豔思孤宦正堪栖物外壯年轉易觸  
兒時阿翁軼事誰能說感激初聞訪友詩馮乙亭世  
叔爲余誦

先考  
功詩

官學雜詩

家孥寄人食一身居都門誰言不易居寢處長苦閑  
晝倦俄欲覺諸生誦已繁取書與相和夢我卅角年  
從嘲先生癡涸轍枯微官尙憎鳳皇池今爲鵝鴨喧  
豈知無巢者暮雨鷓鴣飛翻十旬沈我書方寸叢憂患

耐閒特不易所學誠空言

今年本苦旱一雨遽浩浩桑乾既北決滹沱亦南倒  
畿民半漂沒千里勢如埽

皇仁雖亟賑豈免窮無告致災大臣咎幸已寬譴誚  
夫何反行樂張宴恣燕犒吾

皇富春秋左右賴輔導誰司致君責老智詎稱耄位  
卑固有罪悲歎心孔悼

五月六月交雨勢晝夜大中宵聞踞呼巷屋紛倒壞  
朋親斷奔視消息各狼狽忍蠶庭柳拔乙蠶牀書敗  
經旬靄簷日雲意仍靄鬱衆情餘震懼傳說播靈恠

海藏樓詩

四

迺云蘆溝絕蛟螭騁狡獪豐臺十數鄉築堰幸自衛  
河神蛇服出巫語索祭賽方當風雨黑昆明勢尤倍  
神鏡見十三倏忽助澎湃或言乃龍目激波湧隄外  
行宮牆甫合蕩突渺疆界奔騰誰能遏閔若潮自退  
游幸非所宜毋乃神祇戒老龜過城隅容與狀無畏  
都人夙好事填道雜粉黛陰姦競得意熟視但我輩  
公卿喜接士清望雅所歸良莠雖雜陳此意未可非  
謂彼爲士者豈無以自居謹身保令名庶足酬已知  
如何務苟得暮夜靡不爲坐令倒屣人鼠璞遭世譏  
少年固可爾垂老胡乃癡陰求或不饜恚怒仍怨咨

紛吾二三子名盛毀亦隨朋友有難言我懷良鬱伊  
習靜必於動解人無不可馬足復車塵中著曹騰我  
側肩入戲場里耳聚已夥衆生等螟蛉吾豈殊果羸  
繞梁遇法曲賞音久亦頗持此較奔波所得詎么麼  
冷淡自爲歡所居必移情今年青谿傍欠我勃率行  
畫舫絃管脆草堂風月清底用持誇渠政缺一水橫  
日西引散步巷尾欣未經豁然得縱目迤邐帶高城  
初來尙見底再來波遂平石橋偶俯眺塵顏寫空青  
王邸鬱蔥蔥林中露飛薨垂鞭馬上郎何物生甯馨  
歸來急作書記此眼暫明江湖是吾性朝市非公能

家書至卻寄

書來意萬千隔此紙一重持翦手自發尙恐讀易窮  
向來喜夜書鐙花剔幢幢墨淡字斷續體勢殊未工  
實亦無所語但道無恙儂欲知許時事丁甯尋歡棕  
生理本可笑日對蓬髮僮甚思逐春游出門成孤蹤  
正月月圓時斜街鼓鼗鼗二月月圓時我在官學中  
詩就還獨吟書史頗亦攻署中時來云某日當趨公  
賃車便應去車聲何玲瓏友朋有幾人旬餘或相逢  
笑談破無俚神情終怱怱說歸漸可厭畫餅飢豈充  
回頭看庭樹誰能送飛鴻

大七黠可憐。歲暮甫斷乳。孟冬我行時。識字已百許。  
渠姊強解事。笑語頗楚楚。見舅肆頑癡。姪姪聒大母。  
小七雖未周。神氣溢阿堵。汝身尙抱疾。課讀底須苦。  
十三畢經書。那不見渠父。今年過三十。偃蹇困塵土。  
微官羈輦下。劇似搬薑鼠。更無旁人嘲。餐飯講訓詰。  
昨朝值無事。出城日當午。道傍見籠雀。傾囊喚買取。  
開籠瞥四散。幸未傷翅羽。追飛似公姬。啾唧上鄰宇。  
放生事大好。願力庇兒女。更求得暫歸。歸時汝應愈。  
寄栗生兄

齏鹽未了持家事。燈火惟餘課弟編。料理兒曹聊晚

海藏樓詩

六

計浮湛閭里。忽中年好乘佳日。舒心眼。莫遣新霜拂  
鬢邊。準擬江淮乞郡。倅爲兄先辦杖頭錢。

枕上

閒身急景暗中過。枕上方驚去日多。月影漸寒秋浩  
洞。橫聲彌厲夜嵯峨。養生候密須逢子。學道心繁總  
著魔。是事故應思熟爛。不將美睡換奔波。  
學道之士必以子時

棟脩

八月二十八日夜坐時將出都

宵涼百念集。孤燈暗雨鳴廊。睡未能生計。坐憐秋一  
葉歸程。冥想浪千層。寒心國事。渾難料堆眼。官資信



可憎此去夢中應不忘順承門內近

觚稜

出京

坐看林葉黃已有難留意秋陰積離色送我以寒吹  
親朋裁三五念別數相詣去來自細事所歎迫生計  
翻然狗微念赴之頗沈鷺甯辭長途勞聊免他時悔  
海波千萬疊適志卽平地驅車出東門眇默身如寄

伯潛約游鼓山

風雨危前譜中宵喜見星夜寒依竹轎曉霧出茅亭  
滄海歸人瘦孤峰向我青入山眞恨晚舉首媿山靈

海藏樓詩

七

聽水樓偕伯潛夜坐

人間可語轉寥寥默坐空山盡此宵月黑忽驚林突  
兀泉枯惟對石嶠嶢宦南氣類今難問樓上詩魂我  
欲招

樓懸淨名  
菴此詩

莫便相逢恨岑寂明朝分手馬江湖

東坡生日集翁鏡梅齋中

江上殘年我又歸高齋雪後正添衣終知此老堂堂  
在賸覺虛名種種非酒半題詩忘客去香中讀書愛  
梅肥聚山樓外山能識只欠相攜看夕暉

辭廬同子朋待月

欲雪城西嘗對飲舊游新歲感崢嶸平生已畏論懷

抱湖海何緣識姓名

湖南人某君題詩壁間謬有入鄭張之目張謂通州季直

寺看江孤閣冷烹魚炊稻暮鐘晴與君晚遇良非淺  
小待梅梢好月生

遊棲霞泊舟下關尋三宿岩題字不得

寒鴉衰柳點霜天好放城根下水船歲暮暫尋招隱

客年來深欠入山緣江月光月盡空含影是日人語宵

分漸墜煙惆悵精藍三宿字吟魂夢倚洞龍眠

登攝山最高峯

每愁飛鳥滅雲端石磴行來倦百盤鍾阜雲開分晚

照吳江楓落入新寒名山誰信身堪隱世事終憐劫

海藏樓詩

八

未闌直恐哦詩增客感松風還爲卷波瀾

桃花澗有石刻非人間三字

雙澗分流出翠微春來紅雨想沾衣桃花曾見

先皇日眞覺人閒事已非

南巡  
行在亂後盡圯

栖霞市舊傳徐鍇子居山前設茶肆號徐十

郎茶肆有鉉自江南初入朝授官誥云歸明

人僞銀青光祿大夫守太子率更令云云如

丙史乃江南宰相也銀青存其階官也見攝

山志

街名最愛栖霞市，兵火荒村定幾經。欲攷江乘圖髣髴漫過茶肆客，零星溪流抱寺通。漁艇山色開門展畫屏，聞說徐家存誥敕，可堪尋看僞銀青。

正月二十一日城西步歸作

以下辛卯

鯤徧江梅爽，惘然東風吹面。又今年春山漸綠，荒煙外野水偏明。落照前誰遣，旁人覺哀樂稍從浪迹悟。因緣尋思光緒承平日好，辦閒身付酒邊。

鑑泉聽事懸畫龍子朋詠之余亦繼作

黑雲湧出極可畏，中有鱗蟲得熟視。離蟄奮飛恣游戲，咫尺眞愁雷雨至。闕角諦尋悉題字，辟火曾云著

海藏樓詩

九

靈異董源筆，歟或黃筌寄。此蒼茫神靈意，吾聞神物善自翳。見尾向來羞爾輩，畫中見其首尾抑鬱無言短人氣。老子平生甯足貴。

吳氏草堂梅花下作

今年又見江梅發，歎息勞生幾往還。淡宕風香春欲半，蕭寥煙日地常閑。牆陰活計添新竹，籬角幽情帶好山。莫管花前詩力減，憐渠歲月不教刪。

雜詩

城西朋好誰相憶，定是丁陳與沈黃。海上昨逢潤州守，一時回望奉先坊。下料街金之奉先坊可莊所居丁陳謂叔衡弼宸沈黃謂子培

仲波時可莊  
出守鎮江府

江海論心有幾人葆真季直最相親治河策上仍爲

客種樹書成未療貧

葆真游河帥幕中季直家居方究樹藝之術

石頭城西去來客路熟深慙蓋山碧山下詩人顧石

公念我狂癡時歎息

扁舟京口留三日北固山頭別酒明珍重贈言吾過

矣著書用世太勞生

將之日本忍龍餞余於北固賦詩云云

螺髻瑤簪倒碧空長崎山色似閩中出門十日忽至

此歸夢可憐千萬重

高松保郎詩

海藏樓詩

十

斷腕高松氏歌者良紛紛四坐且勿喧聽代保郎言  
保郎家江戶事在明治前少小無所知但念知己恩  
藩法時方酷義父抱深冤獄急待自殺營採窮百端  
俱死猶不解智竭惟有身探懷出白刃霜光蝕我魂  
低回語左臂全歸愧難全斷者不復續今日與汝分  
欲下齟牙斷神鬼嗝右邊誰知父母軀彼此乃相殘  
一揮何時落昏絕耳不聞俄然視白日豈意猶生存  
收我刀如風滌我血鬪盆修書仍函腕馳獻辭悲酸  
義父幸得自殘軀越中年支體已不痛沈痛在心肝  
賣藥溷市人懺悔向世尊衆生有疾苦莫似我艱辛

大清黎公來遣我以古文李公尤慷慨陳義高青天  
保郎身見在保郎名已傳會有義士知熱淚墜衣巾  
人生歷情劫憂患深相纏本心要不昧君子或見憐  
保郎骨可朽義士淚不乾

花市

秋後閒行不厭煩愛過花市逐閒人買來小樹連盆  
活縮得孤峰入座新坐想須彌藏芥子何如滄海著  
吟身把茅蓋頂他年辨真與松篁作主賓

八月二十六日芝口張飲

豪舉京華在眼前誰知海外有今年客中總覺朋尊

海藏樓詩

七

樂酒後差憐粉黛妍燈影自繁無月夜桂香微動欲  
霜天歡場那落中原後聽罷清歌莫惘然

九日愛宕山登高同秋樵袖海

秋懷閉戶兀嵯峨都付登臨眼底過蠻菊那知佳節

重日本舊用中曆明治以來改用西曆矣霜林也傍醉顏醜樓西地盡

鄰斜日海上帆收展夕波愛宕山頭三客望鄉愁誰  
似舍人多

形贈影

學道未爲晚新持胎息經凝心存日景行氣攝神庭  
情在妨飛舉身微混醉醒對君終不愧勿復患頽齡

影贈形

用意君良苦崎嶇欲勝天拙遲期得巧後發待爭先  
世運行一變人謀無萬全就陰應可息吾已倦周旋

神釋

萬化有消長而非滅與增短長初止此得失亦何曾  
知退甯渠黠好謀詎爾能唯當量心力興到徑須乘

麴町

簷牙初日下霜風坐看窗前半樹紅稍喜書聲侵夢  
寐乍憐秋氣入房櫳曉寒峭後衣頻著淺語拈來句  
未工誰念詩人漸消瘦麴町館裏送歸鴻

海藏樓詩

七

江之島夜宿岩本樓

潮頭未沒一痕沙來處回看隔浪花氣暖洞天巢蝙蝠  
蝠山貧夷戶賣龍蝦鐙前歸夢愁難熟浦口遙峰認  
欲差卻笑含情呂居士偏將情感證無邪秋樵有異  
夢寐而自

馱  
馱

王子飛鳥山看紅葉飲扇屋

有山曰飛鳥似我射鳥不射鳥山在  
福州城中高樹紅猶淺回

谿響更流烹魚憐女手把酒愛樓頭莫厭三年住堪

成一笑留

贈鄭瀚生

玉軒京卿之猶子

君於我厚矣不鄙謂我語所云詎無謬政自出肺腑  
聞君道賢伯老輩具風矩門中足師法豈復假外取  
親賢遠不肖此事已爲主性情端且厚俊哲必樂與  
文字藝之末費日浪自苦但當勤讀史大義了今古  
自居在何等肯作流俗伍知君多良友走也豈足數  
離居儻相憶莫晒渠言腐

送程弟入都

以下壬辰

與子同出都十六年於茲子今復入都良甚喜以悲  
兩兄雖未老皆異年少時事業那可說所憂寒與飢  
我如風中船奔濤猛相持不怨漂流苦但恨常乖離

海藏樓詩

三

何時得停泊甘心趨路岐向來盛負氣不自謂我非  
進士棄不求從人詬狂癡念子行入世科第政所期  
閩士多褊狹此語古已譏器閎乃受大要須力戒之  
何物益神智讀書烏可遲吾今之所行世人詎見知  
似傲非慢侮似倦非摧頽寸心虹貫月子胡愁我爲

上海旅次寄京中友人書

送程弟入都

惘惘重經黃浦灘霜鐙照徹月千盤潮喧樓外車初  
過雨迸尊前曲未殘入洛士龍成獨往傷春小杜罷  
追歡修書麤說江湖意已覺春陰到指寒

二月廿七日集沈祠文肅公生日

在龍蟠里  
烏龍潭上

一見斯人悵永藏病中猶自意堂堂流風可但興吾  
黨後起誰當望鴈行入幕往曾依肅毅游吳晚及接  
忠襄若憑目擊評風節公論年來有短長  
潭上祠堂拜此辰傍祠潭水碧鱗鱗石城作里崇遺  
愛嘉樹成陰表好春寂寞廟廊虛一老輪囷肝膽向  
何人趙州澆酒平生感斜日沈吟忽滿身

立秋永田町日枝山下新居作

日枝蓄深蒼細巷藏山麓清谿復繞巷彌望但高木  
西尋巷欲盡池落窺我屋入門勢稍邃紙窗晝常綠  
纍垂柿與梨離立松與榭連楹作磬折三面成五曲

海藏樓詩

七

聞人愛西南臨水好送日東軒尤蒙密敷坐客所肅  
距軒北二椽宜以棲我僕周遮望若隔呼喚應頗速  
跳梁便兒女飲噉足蔬肉旬餘困坐起月許忘局促  
丁甯促灑埽婢媪額屢蹙比鄰各勤潔詎可愧彼族  
兩簷報晚霽片月如涼旭晴鐙鬧流星繁絲壓孤竹  
奔車湯忽沸推枕聲在褥中宵起舒嘯夜氣漫林谷  
鄉心茫欲碎離念牽更酷我愁婦亦歎身世付轉轂  
中原民情做隱患在心腹此邦俗亦偷交誼聊云睦  
誰能任茲事起造斯世福微官欲何道一飽忍千辱  
悲呻久不寢入世寐正熟雞雞爾誰戒向曙彊呻喔



雨後徒步入署

溼雲重難起，雨氣夜不小。河隄決屋頂，洶洶遂至曉。  
新涼睡味美，驚覺訝非早。披衣趣具食，雜進殊草草。  
出門溝澮溢，未敢怯途潦。因思宵來勢，疑恐小樓倒。  
樓前甫拆屋，東北豁可瞭。斜風時瀟瀟，遠樹淡嫋嫋。  
低頭或終日，書史麤省了。近來罷午餐，薄粥潤吻燥。  
朝夕出無車，縱步自輕矯。他人笑吾吝，彼淺惡知道。  
壯夫事事可，妙賞恃懷抱。使吾行負擔，亦足營一飽。  
作書久不能進，憤然賦此。

作書無難易，要自習之久。苟懷世人譽，俗筆終在手。

海藏樓詩

十五

古今祇此字，點畫別誰某。必隨人作計，毋惟落渠後。  
但當一埽盡，逸興寄指肘。行閒馳真氣，莫復搏土偶。  
時賢爭南北，擾擾吾無取。狂奴薄有態，或者進猿叟。  
達哉臨川言，妄鑿妍與醜。王荆公詩：誰初妄鑿妍，與醜坐使學。士勞骸筋。

答袁爽秋

蹤跡宜南閩，情懷海外孤。佳書能見及，妍語故多殊。  
島族酒新法，賓僚跼腐儒。默慚袁伯業，勤力久過吾。  
黎受生遺鄭子尹書四種及巢經巢詩鈔

吾年十二熟儀禮，闡誦全部色。不撓爾雅急，就亦宿  
讀當時志。渠云等道長大孤，露事舉業文辭頗復心。

所好數年之間失八九偶取溫習翻苦奧治經念自  
小學始桂段嚴王手勘校久聞遵義未得見逸字汗  
簡名尤噪漸憐歲月去飄忽精力無成坐消耗君今  
遺此令我愁便恐悠悠迹如埽鄭君樸學仍能詩瘦  
硬偏工兼澹妙一生自哀獨何事得喪何人爲計較  
不如學道積豪髮入世差同飢可療養心聊復期盡  
年火速捐書真得要

川和村看菊途遇雷雨返飲神柰川丁子屋  
秋來足風雨已自負重陽佳日天公妬黃花異國香  
郎當游亦壯調笑意殊狂我輩人誰識胡姬儻不忘

海藏樓詩

六

冬日雜詩

以仰視皇天白日速爲韻

此日不足惜去我逝安往山風剝庭葉晚意太鹵莽  
甯知吾送汝對景聊俯仰經行萬馬中駐足看擾攘  
乃於瞥然際而作攫取想用意如許毒所得徒自罔  
日人行新法中國始遣使華民我自轄諸國不得視  
彼非不欲爾實亦勢所至來者更五公交涉略可志  
吾初檢案牘抄撮取關係會以事不竟訖未就編次  
又觀圖書館典籍亦略備盡蒐爲目錄頗足資攷異  
遷延顧莫往猶未墜此意

運會今何世更霸起西方誰能安士農唯聞逐工商

賈胡合千百其國旋富強此風既東來凌厲世莫當  
日本類兒戲變化如風狂天機已可見人心奈披猖  
誠恐時無人禮義坐銷亡豪傑皆安在俗佞空張皇  
麴町往築地正出東海灣諸胡所聚居樓觀映晴天  
不知夜何事聚眾張几筵童婦齊列坐施帷當其前  
數人類作劇笑怒相與顛下帷俄復展一人口有宣  
學語殊未熟時省懷中編主人有四女鬢髮各垂肩  
碧眼若含愁綵服何踟躕入帷迭嬌歌觀者咸稱妍  
衆中都爲誰舍人在其間舍人學胡語彼胡奚知焉  
讀書二十年此舉誰謂然吾意願有在未足爲俗言

海藏樓詩

七

兒女寢已熟瞑坐自數息十年流浪蹤一一過胸膈  
朋輩可遠大要自念季直長吾四五歲屢歎厄通籍  
葆真雖通籍隨衆限資格未知誰有就命運難可測  
忍盦稍深穩所守當不易自餘迫世務輒熟那足責  
平生甘賤售拋擲良弗惜自貪茲游奇兼可穢行迹  
推門獨起旋噤凜霜月白

此都號文士浮躁多不實盛名如賴襄語助未究悉  
黎公昔在茲求士惟恐失芝山歲再會賦詠積篇帙

求其麤可者百十未得一從吾有長尾

名楨  
太郎

後起實

美質吟詩輒曉意作字且秀潔墨江望之夜煙水上

滿月筦絃喧我醉詰論忘筆舌如渠齒方穉才氣已  
奔軼前賢那足畏好自奮今日歸來得惆悵嗜此誠  
癡絕

猗嗟我從祖高行世所獨有時聞微言終身在初服  
孤露薄有知所賴見尊宿今年吾道苦此老夢已覺  
別時知難再揮手反見速衰顏一何瘦忍淚竊注目  
不殊辭所生摧割痛在腹未曾聞怛化每憶已自哭  
理當棄妻子卒侍啟手足何言迫生計恨媿滿衷曲  
因思議私諡介節誅不辱雖然異出處知己配文肅  
哲人萎二老願見那可復吾其放於夷猖狂混清濁

海藏樓詩

六

南河縣尉王寅侯死賊詩

挺身追語賊父弟得生全爾輩可殺我微官甯媿天  
彭修今復見趙孝世終傳高位多媮活吾因表此賢  
日枝神社晚眺

望眼能令意蹙伸門前假我小嶙峋入天峰影長含  
雪照海波光已釀春屈指交親增恨別亂思文字賴  
忘貧少年心事行看盡憂患人閒待此身

亂思遺老  
出趙岐孟

子題  
辭解

朝鮮權在衡招飲觀梅

雪消江戶春滿枝權君招飲不得辭已看名士同來

盛況是明月 初圓時官梅登益映銀燭使星入座臨  
酒卮遠巡閱筵極豐腆食單時尙從歐西淳熬擣珍  
炮糝漬漿水醴溢醅醢醢左般右載近古法葡萄論  
斗行如淮主人殷勤善言笑客不解語惟解頤酒酣  
登樓望天際鄉思正與寒雲迷烹茶卻喚看影畫亦  
有巾幗攬須眉德法二主信時傑猛很欲作鱗之而  
誰知異人華盛頓狀貌酷類枯禪師雄豪百鍊至平  
淡中外一理元無疑盛衰天道迭倚伏會有能者同  
華夷霜風吹面醉漸解歸舍兒女猶唔咿汪君翌日  
幸語我大夫以下皆爲詩我雖強作用我法措語蹇  
澀愛者誰

海藏樓詩

九

栗兄書言荔支老樹枯矣因感念介節叔

祖

歲星人望魯靈光此樹婆娑其可傷不見蘋虯虛老  
屋載尋白髮亦空堂披書海國懷難遣照影池波夢  
豈忘樹臨西院池上予少日居此院叔祖亦居院東憑仗阿兄勤點綴春  
寒更與種修篁

神戶理事署樓中雨望 以下癸巳

危峰鬱鬱浪蒼蒼對此茫茫我亦忘時命看天終漢  
落雨風注面暫清涼華民力屈愁微業島市風移足

老羌海內故人應絕倒便從窮髮問行藏

七月七日官舍風雨中作

四圍山海一身藏  
歷落欽崎自笑狂  
天際雲濤秋益壯  
樓頭風雨晝初涼  
操心稍悟安心訣  
更事翻思忍事方  
獨有韋郎言可念  
俸錢虛愧對流亡

寄酬秋樵贈別之作

秋風久起憶秋樵  
高館人稀暑漸消  
誰解微言長耿耿  
時吟清句便超超  
閒未悟歡難繼  
他日方愁跡更遙  
身世政須容度外  
莫令相見減風標

夢烏山因寄怡舅

外祖母在日所居屋在烏山下地名山兜尾

海藏樓詩

三

萬壘悲歡逐境空  
烏山只在夢魂中  
淚痕自共華年積  
心事眞看隔世同  
此日諸甥多失母  
新喪高氏從母卽今  
阿舅亦爲翁  
山兜老屋如重到  
惘惘斜陽巷尾紅

九日大阪登高

霜風連朝作  
重陽蕭寥坐落無人鄉  
端居秋氣最先感  
起與蟲鳥爭號翔  
樓頭山海自圍繞  
於意不樂如羈縻  
逝將去此更一縱  
瞬息百里遙  
相望未花蠻菊  
那足道  
眼底正喜落日黃  
登高聊欲去濁世  
負手天際終  
旁皇空中鳥跡我  
今是底用著句留蒼蒼  
故山歸隱有兄弟  
倒海浣此功名腸

懷人亭 并序

自余東遊日本朋好睽隔時有投荒居夷之歎子  
朋子培爽秋皆有詩見寄予朋詩曰早日忘形歡  
太甚如今舉目覺都非子培詩曰日下雲間虛想  
像奇花秀竹澹淹留又曰秋半有懷憑海客太虛  
明月近誰圓又曰久息朱絃遲歎唱爲撫蠻語入  
詩篇神戶理事署中有茅亭九月十三日清晨獨  
登之雲濤滅沒曉日激映其蒼茫之致足以迴腸  
盪氣撫然良久乃名亭曰懷人仍系以詩

孤亭雲海渺相思獨上惟吟憶我詩從此故人感天

海藏樓詩

三

末不妨來此立移時

海色微茫自入簷亭中最好眺風煙如今題作懷人  
地白鳥滄波共惘然

述菊

天涼意便好秋高詩欲長菊花爲時出見之輒神往  
嶽人亦好事闢地據高爽斂錢乃縱覽婦穉雜擾攘  
連棚往復還種色競題榜輕寒媚海日千本各俯仰  
就中半束縛佳卉失偶儻誰令爾生茲逸士墮塵網  
來歸伴蕭齋吾不汝抑枉

離宮峙赤阪國主開秋會殿香黃花前池明丹楓外

羣胡掉臂來牛酒肆啖噉先生獨微歎霜英誰解穢  
橫濱有民園林谷頗映帶花時不辭客異種亦不賣  
川和嘗一往其盛又數倍中途遇雷雨當壚笑我輩  
不如坐寒齋一月可相對從渠各爛漫妍醜置弗恠  
雖然不解飲曠懷天所醉人生何者難難在伺臭味  
使我重懷人斜街來夢寐

川和村名土地廟斜街京師花市所集

### 望月懷沈子培

天風海色颯成圍獨倚三更萬籟稀不覺肺肝生白  
露空憐河漢失流暉東溟自竄誰還憶北斗孤懸詎  
可依今夕太虛便相見屋梁留照夢中歸

海藏樓詩

### 傷忍盦

三

彼蒼不足恨人事實可哀莫復念忍盦念之心膽摧  
烈士盡奪氣況我生平期四海盡驚歎矧我夙昔懷  
聚時不甚惜皎皎心弗欺別時不甚憶落落意弗疑  
如何無窮志殉此七尺骸交情日太短天絕非人爲  
命也審如此終古甯可追

朝士重清流此風亦久息不隨薄俗移通介見所植  
抗言得棄外天日無慚色誰知活人手未恨江湖窄  
爲民奮請命有此二千石世閒污吾子捐去誠上策  
但縻老親淚冤苦滯魂魄當時殉名人著望各藉藉



貧夫溷烈士事定衆乃白公等當期頤王濟我恨惜  
張綺季屬題小金井觀櫻圖

海山盡道是蓬萊。悵望羣仙去不回。偶約尋春向江  
戶。又疑失路入天台。玉顏一隊連雲出。金井千株枕  
水開。應念此花太岑寂。長教我輩畫中來。

生女七日而殤

夫何而爲人。骨肉亦已具。奄忽遂物化。掣電未嘗駐。  
微質倏去來。我意初不悟。兒曹何所失。灑涕向暗處。  
有無旋相生。常理自成數。久視或偶然。沈吟山色暮。

感舊示李君芝楣

海藏樓詩

三

浮生百事苦難就。所貴得意當我身。吾力能爲未敢  
必。況乃假力於他人。皆云未至時。有待傷哉心。膽幾  
沈淪。往年都城盛朋友。緘齋忍盦情相親。激揚掩抑  
性。雖異用意沈著不可言。倏如花落風雨過。置我惆  
悵銷精魂。向來緘忍竟何得。俯仰各已歸九原。甯當  
入海。尙負氣癡念志業空。窮年憶嘗吟詠戲。相勸檢  
視遺句餘。悽酸今者聊欲託此事。天道弗忌當長存。  
心知寥落誰與語。驚歎李君下筆真。君儻感此可共  
作精力足用毋逸巡。

決壁施窗豁然見海題之曰无悶

海天在我東胡爲伏暗室容忍久不決奇境眞自失  
庸流那辨此此祕待余發君看五尺地概若收溟渤  
閒來一據案意氣與天逸滔天自橫流而我方抱膝  
窗閒獨偃蹇萬象繞詩筆豎儒奮清狂作事衆猶慄  
前身疑幼安逝世送日月

清友園探梅

以下甲午

海波淡對道人閒勝日清游一破顏誰見春風甘寂  
莫朱霞白鶴滿空山  
山園脈脈發霜枝隴首無人夕照移一段荒寒誰解  
賞松梢遮莫揭春旗

海藏樓詩

五

嫩蘂疏枝點碧苔盈盈纔得幾年栽他時屈曲山中  
老長記先生爲汝來

天空海闊須磨驛山靜日長清友園流落中年仍世  
外梅花數點憶中原

日人求爲題關張畫像

關張非猛士浩氣興百世海外猶敬之豈不以好義  
畫師亦可人胸無功名意筆端小裛鄂於此知見地

櫻花下作

仙雲昨夜墜庭柯化作蹁躚萬玉娥映日橫陳酣國  
色倚風小舞蕩天魔春來惆悵誰人見醉後風懷奈

汝何坐對名花應笑我陋邦流落似東坡

嫣然欲笑媚東牆綽約終疑勝海棠顏色不辭脂粉  
汗風神偏帶綺羅香園林盡日開圖畫絲管含情趁  
豔陽恠底近來渾自醉一尊難發少年狂

脈脈輕陰壓軟塵閒愁漸逐柳枝新清明寒食初驚  
豔穠李天桃不當春薄醉乍蘇沈宿夢凝妝纔就寫  
全身亭西棖觸年時事錯認東華絕代人

看到繁枝處處開韶光駘蕩錦成堆春歸滄海剛三  
月骨醉東風又一回花氣連雲收暮雨濤聲催晝送  
輕雷道人摩眼空吟望無復當年側豔才

海藏樓詩

三

花下又作歌

海波照天花照地偶著詩人作園吏園小偏收海外  
奇詩成便向花前醉天明海搖日自沸園花嫣然皆  
破睡十分奇事盛風流百隊紅妝各織媚懷人亭前  
凡幾樹棠質櫻神極穠粹日薰已覺玉肌香風過尤  
憐粉光膩多情好事餘習氣論詩惜花恣遊戲彼都  
共語更有誰只合喚花作吾輩

風雨花盡

昨夜仙官下取將海天風雨徹宵狂名花身世真堪  
羨烈烈轟轟做一場

風雨旣過有二株粲然獨存憮然賦之

飄風疾雨萬騎趨欲救不得嗟羣妹朝行我國太狼藉飛雪宛轉縈衣裾眼君衆枝各含怨頓抱芳意歸空虛春和景明若有失驚顧忽出悵愧餘朱顏亭亭獨無恙憫默俯立嬌難扶驚魂漂搖俄欲返幸脫浩劫尤憐渠先生歎逝賦未就念汝失侶同羈孤徘徊繞樹復顧影苔深泥污聊相於盛時未闌奈零落山河邈隔空愁吾

三十五歲初度

令名殊不果三十又過五已孤輕歲月棄擲那足數

海藏樓詩

美

少壯等戲劇熟思極無取從今脫皮膚真實聊自補結習患難盡術業且莽鹵妄懷當世意側睨窮宙宇百年戎狄運天道未有處小須會事發收拾入年譜吾知詎有涯懷哉養生主

詠盆中白牡丹

神如皓月元來淡氣帶春風些子寒海外更休嗟寂寞白花猶自伴朝官

用白傅詩意

倭中亦解重花王苦爲櫻桃說擅場他日教知南漢事也如北勝對南強

焚鴉片十餘篋及吸器百許具於署之東隅

仍灑灰於坎以滅其跡

嗟嗟中原今何地情民億萬天弃之我生不辰遣覩  
此醒毒流染甯可醫朋親故舊無免者白晝枯骨行  
累累九州沃野不播種益藝淫藥戕子遺國家又從  
征其利漏酒鳩脯敢療飢四鄰擲揄幸吾裋君相縱  
省吁已遲侯官文忠不勝憤焚排匪顧大患隨戾時  
天道定深嫉投死志業終難恢我今何者不自量仇  
視妖物忘傾危界炎揚灰聊洩怒旁觀震駭顛且趨  
背後豈免競嗤點我實兒戲而毋譏九原死友尙不  
諒眼前佻巧誰吾知

可莊嘗謂胥惡之已甚終將自蹈之也

海藏樓詩

七

敬題 先考功書扇及畫爲羅少畊觀察

阿翁在世日獨善道不屈世人誰知之翰墨聊自悅  
人間合有幾邈若湘江瑟生氣長凜然孤兒眼中筆  
氣鬱出游

渡海就寂寞於人吾何尤索居亦已久豈免懷朋儔  
島中渡春天惟見日月浮平生氣難冷有如鳥被囚  
解衣浴湯泉脫屣登山樓定知我非病孰解中何憂  
據尊天茫茫欲醉獨無由看人好懷抱狂婢恣綢繆  
振衣去不顧一笑誰能留

五月十五日神戶月下

搖搖林際海旋明耿耿樓頭月又盈一道玉虹蟠夜色千尋銀闕卷濤聲平生入世懷將盡物外孤吟影太清今夕方諸應湧淚故人何處徑騎鯨

自住吉游有馬入山雜詩

蜨飛山無人澗響若讀曲巖雲媚晴暉起弄海波緣諸峰殊陰晴嵐雨灑我轎亂泉路欲迷山鳥時飛導入山凡幾曲緣澗凡幾灣山迴澗轉處海風赴襟寒回看來處峰伏地微露尖峽口雲行急撲面如輕煙側臥看羣巒起伏極有勢長天如匹絹潑綠恣游戲雲白山青青望可數百里我從山背來對境心數起

海藏樓詩

三

山東曰朝陽山西曰夕陽夕陽只芳草朝陽松柏長

有馬雜詩

山街足樓閣姝麗多倚市借吾一榻風夢入谿聲裏松蘿風颯然雙泉自奔瀉踞石而科頭白衣山人也陰陽爲之炭不虧亦不盈已余幽憂疾始信泉有靈谿館無人至松杉闕翠微烏山底處似沈范二公祠

紅綠山館甚似烏山

谿聲使人靜鳥語引熟寐風從前山下盡帶松竹氣筆工亡古法但於俗書宜龍蛇入吾手毛錐空爾爲

有馬產筆甚健

雷奮兩百倍雲馳峰四移山靈好才氣獻此一段奇  
搖兀竹籃閒怕雲下密幄銀竹萬叢鳴先生夢徐覺  
夾竹桃  
官齋六月花相映紅白尤憐夾竹桃政爾無言神自  
遠祇緣不俗韻殊高如山案牘圍長夏隔海烽煙照  
怒濤老子婆娑聊獨笑花前那得並兒曹

六月十八日未明望海

天荒荒而非雲月團團而無色海兀兀而不波樓迢  
迢而將白

九日與胡康安同登北極閣

海藏樓詩

完

雨霽秋高最蕭灑北城登臨俯原野海外歸來多感  
傷脈脈江山待來者胡子可人能醉我共看落日天  
邊瀉吾儕未知所歸處復際中原動兵馬丈夫忘世  
乃大雅謀國區區策殊下道傍茅屋猶有人歲晚雞  
豚足同社

貧女

貧女低眉十六七茅屋西風怨斜日只將翠袖度荒  
寒未許鉛華汗天質向來眾女總憐渠性格矜高爲  
識書易得河清難一笑盛年不偶欲何如

覓屋住

事平廿餘載吳趨未忘亂會城向東北瓦礫嗟過半  
比年多官人大力規久遠捷足割墟落彈指鬥輪奐  
節署南屬河甲第已無算閼深不可測巷陌驚屢換  
壯哉試屈指宦橐想鉅萬繫予懷此都久愧累親串  
三年歸自外蹤跡轉投散崎嶇持八口白白下誰可館  
不憎市井喧聊喜淮流貫數椽待棲止頗類夔子竄  
迂狂人所笑慮此益熟爛自污亦無徒行歌南山研

紀對南皮尙書語

尙書顧我言子適日本歸韓釁初未發蓄謀非一時  
彼族治戰具其端詎難闖覬國能反報備豫或不遲

邊事壞至此語次張髯髭逡巡仰而對茲意匪所知  
頗聞列國法其制有三師號爲常備者終歲聽指撝  
晝警若赴敵宵嚴若交綏其次曰預備軍行乃登陴  
又次爲後備不足則徵之朝令夕已發有類脫兔馳  
中朝實久弛文武苟以嬉寇至紛募兵械器窳弗治  
近如牙山役浹月遙相持濟師數十請主者莫肯尸  
敗我非彼能灞上眞羣兒尙書試熟念下走徒獻歛

自督署步歸寓宅

幕府絕通謁散步惟長廊枇杷冬始花雨中送微香  
院落疎逢人向夕氣已蒼覓句悄隱几移燈清照床



竭來親吏牘勉強豈所長驟聞北方警寇深徒慨慷  
此邦敵久瞰狙襲誰得防論議多奚爲緩急未可量  
出門望我居南去五里強數日乃一歸兒女迎踉蹌  
坐定顧之歎老我當何鄉

哀東七

歲

甲午十二月十一日殤於江甯才二

中年念兒女剛性殊曩昔眼中第三兒抱玩輒不釋  
咿啞裁學語見爺已解索吾懷雖鬱伊爲汝常慙適  
親黨共誇慧比似珠的皦何時大疎忽不節使傷食  
投藥若小瘳日日看愈瘡出愁入亦愁彌月疾遂革  
冬至幸脫命小寒過不得父憐母復愛撫汝兩脚直

海藏樓詩

三

二

兒死膚未冰臥板藉以祿出門別吾友歸斂已不早  
人棺望始絕父子緣遽了猶當書兩和白骨知此惱  
紙錢送汝去遺燼那忍掃今宵我不寐窗下燈皎皎  
後房汝啼處絮泣刺婢媪一家各上牀擲汝向荒草  
歲盡冶城旁月寒新鬼小

三

三歲居日本此行誠不利海東得是兒自詭帶奇氣  
歸來太倉卒斷乳哺用餌十旬卒致殞分我感時淚  
遼瀋方鏖兵暴骨滿關外誰非父母體驅向萬里棄

汝殤何足恨，浩劫行且至。中原適無人，去去非我世。  
明年化猿鶴，聊欲從此逝。

移居縣俠營

以下乙未

惆悵梅邊想戰塵，往來何地著吟身。客懷漫比官爲業，物望誰云國有人。花發休論滄海事，水清聊結草堂隣。

隣吳氏草堂

東風草草勞人目，又看江南二月春。

西湖初泛

乍喜杭州入眼新，便呼小艇載閒身。抱城嵐影浮初日，侵岸湖光上早春。祇覺樓臺勝人物，欲憑山水遠風塵。酒壚正在宮牆外，帶醉凭欄獨愴神。

海藏樓詩

三

湖上

漠漠雲陰歛曉光，平波纔欲倒垂楊。諸峯盡在微濛裏，今日西湖是淡粧。

湖上雜詩

微雨灑復止，春山人獨行。西湖知不遠，照眼小桃明。  
湖心風乍起，雲影暗雷峯。但覺波光白，不知烟翠濃。  
湖波太嬌軟，畫船殊難載。最宜拏小艇，盡領烟水態。  
諸峯競弄影，湖水與搖曳。不用借樓臺，爲渠作莊麗。  
歡情酒維持，好景詩記錄。吳儂生湖山，此語差不俗。  
樓外樓，俞樾聯云：好景盡將詩記錄，歡情須用酒維持。

名勝多難復風流不可攀  
蒼涼莫懷古祠廟滿吳山  
海氛傳聞惡閩浙防有變  
朝旨起尙書昨日湖上  
宴二月二十八日邊制軍游西湖

二月向杭州何人見獨遊  
余以公車北上辭張孝達  
制軍行至上海送程弟赴

津而已獨游杭州猶能輕世事日日醉湖樓

春煖桃柳新六橋多士女  
只愁風雨來路長奈何許  
漸與諸峯熟又憐湖水妍  
湖山豈識我欲去莫流連

用賈島真山民三月晦日詩作首句

三月正當三月日挽春無計只傷春  
明朝惘惘成追憶却道春光屬別人

海藏樓詩

三

九十風光能有幾  
春風春雨總經過  
誰知地變天荒意  
莫借魯陽迴日戈  
真首句

書程弟扇

我生實不辰降志而辱身  
如今好相戒莫作采薇人  
二兄久食貧被酒語跌宕  
門戶要人興兩弟齒俱壯

暮霞

祇疑日已落黯黯頽雲翳  
百里俄極明金銀耀天際  
雨氣漫不收斜照忽相逼  
愛此帶雨林臨流弄奇色

同季直夜坐吳氏草堂

一聽秋堂雨知君病漸蘇  
欲論十年事庭樹已模糊

怡舅卒於建甯聞耗述哀

考功攜伴愛烏山晚入京塵淚有斑寄畫虛傳書尾  
意填詞苦說夢中還已孤兼抱離群恨別舅長懷被  
酒顏今日西州憑一慟幾生併在廿年間

怡舅寫蘭寄

先考功於京師題句云早知氣味

難諧俗却悔當年浪出山先考功嘗有金縷曲

二闋述烏山夢

歸以寄怡舅

先考功嘗有金縷曲

晚登吳園小臺

眾喧不妨寂獨往偶成遊閱世人將老登臺月已秋  
蒲荷叢暮氣星宿沸清流何事單衣客悲歌起飯牛  
遊石觀音寺登周處讀書臺

海藏樓詩

言

秋原風日照眼明北城熟遊思南城遙憐古寺媚平  
楚入門忽對幽崢嶸高臺望望悄然下雙梧蕭蕭嘯  
檐瓦勞生折節空爾爲太息當年讀書者

上海待鑑泉未至

南來過此意常違北望愁予已念歸感逝行吟空撫  
髀傷時被酒易沾衣遙山隱日成斜照弱羽衝風更  
退飛司馬青衫道傍客待君相對說知非

烟台舟中

月照成山船似箭舷閒一卒話軍前捕生虜謀渾如  
鬼斬級健兒祇爲錢棄甲于思恩不死靈輪魂魄懟

虛捐眾中驚起沉淪客憤慨終宵獨廢眠

天津入都車中

風雪晚可懼去京猶百里局促輶下駒潦倒車中士  
國勢決難挽將相豈足爲幸此無人知歲暮吾將歸  
六年復此來停車聊一望指點畿內山祇汝色無恙  
舉朝議變法不動猶拔山道傍窮措大縮手入袖閒  
懷座主寶竹坡侍郎廷

海藏樓詩

贈丁叔珩

三

吾嘗語忍盦知德誠已鮮奇才世豈絕平日故難辨  
交游雖甚盛往往致不滿所憂乏藻鑿妄意丈夫淺  
固當勤物色兼取狂與狷忍盦領吾語俄作風雨散  
堂堂入泉下懷此竟未展去國纔五年世事凡幾變  
匹夫亦何有盈抱但孤憤北行心久絕此舉良可哂  
更持溝壑身來看風輪轉九門詖蕩蕩驚鳥紛漸返  
故人那得見酸楚。昨屢泣時賢如眾星殘夜見復隱  
芒寒而色正丁沈培子長照眼惟君秉貞剛愛國出  
誠懇 聖明信所學 温旨促編纂尙書張公 敬風

采傳語戒肥遯名高心益虛志猛氣殊穩吁嗟才實  
難諸子皆萬選自餘斗筲輩僕指何足算奈何吾所  
知遂亦世所罕回思往時語奢願付迂誕勸君益厲  
操期以振選悞勿云幸直尋枉尺已深損中年見匪  
易蹇聚意彌款相規吾分爾知君終不盡

追懷陳緘齋

與問

風味緘齋致最優眼中何處著時流逢場未減清狂  
概帶醉偏尋寂寞遊雙鬢早衰緣骨肉孤兒誰託指  
山邱輓塵丁鄭還相見宿草年年淚不收

贈王幼霞前輩

鵬運

卽題其憶遠圖冊

海藏樓詩

三

朝士衰風雅嶽崎老半塘封章函涕淚樂府積悲涼  
畫本秋心藁殘碑翠墨衰此中從遣日只禁說行藏  
答沈子培比部見訪夜談之作

寒夜肯過我來者非等閒取我已逝懷今夕復見還  
始合若微感再厲遂無端嗟我豈有知感子難自吞  
長劍四五動十指千萬彈持以喻我意此意殊未殫  
須墨惟漑血須紙惟剝肝執筆爲我書我舌做猶存  
子心狂而忠子節純且堅爲子所能爲毋爲空詬天

世衰士益放未可榮以祿高言虞見罪聊復事飲啄

君看我此來作計乃爾毒兔爰逢百憂明夷入左腹  
毀車更殺馬降志非取辱起追孫登嘯坐視唐衢哭  
韓非懷孤憤終爲秦政戮東野變爲龍退之詎能逐

三

相知垂十年未覺往可悔中閒有逝者

謂王可莊

警痛愈

相愛吾儕各老大豈作兒女態形骸雖斃隔至味固  
不敗精誠遠相照山海了無礙神京萬斛塵風烈成  
晝晦驅車犯埃埒憂子亦以憊國門行揖別歸聽長

江礪

見唐子西詩

歲暮酷懷人孤吟復誰耐

十一月二十二日出京道中雜詩

海藏樓詩

三

長嘯出國門寒日黯相送大風主何祥不發軒轅夢  
殘月墜雄縣黃塵蔽任邱此中商避世猶恨近神州  
過趙北口

雄雞奮悲歌驚埃勃馬首落星雖有心孤月空開口  
用孟東野詩語

班班河閒車南歸罷擊鼓車中人自奇無取流俗怒  
客行自言苦夙駕犯霜風誰見斯民困宵征逐馬通  
雪霽天欲明林巒混一色曉目忽上騰雲歸徂徠白  
守道去人遠諸峯空自青不緣文字力何處見英靈  
騏驥駮駮駘駘服車上山石英雄時豈無熱淚空橫臆

雪勢可以休雲容顯復晦千峯錦離離夕陽綉天外  
驅車楊柳店懷古空蹀躞不恨無羊公恨無郭太業  
四顧無一遇迷魂不可招千磨還百折心鐵可能銷  
尻輪極周流神馬善超越閉門枉造車何時出合轍  
犖确途焉窮心先疲馬至村落帶山明晚晴展人意  
忍寒不衣裘未老殊覺赧大哉馭人言勝於求飽煖  
中原虛無人唾手真可襲言愁我欲愁茫茫百端集  
蒼生我何有憂樂俱不聞欺人謝安石冷笑范希文  
過召伯埭安石既與人同樂不得不與人同憂見世  
說

揚州在何許帆影亂烟樹南風且莫競我欲過江去

海藏樓詩

三

秦安道中

隴上清晨得縱眸停車聊自釋幽憂亂峯出沒爭初  
日殘雪高低帶數州迴首會成沉陸歎收身行作入  
山謀渡河登岱增蕭瑟莫信時人說壯遊

歸至南京

朔風撼書窗苦雪壓斑竹道人晚歸來窗紅竹還綠

正月二日試筆

以下兩首

心遠無妨得地偏南歸袖手對吳天凌空翔隼高圓  
外破寂鳴雞午景前白下溪流向人靜紫金山色入  
春妍閑中把玩消何物却辦微吟遣壯年



從廣雅尙書登采石磯彭楊祠

大江東去意何如  
斲駐旌旗上碧虛  
祠廟雲霄依太白  
山川風物比南徐  
料量筋力艱虞際  
總攬英才感慨餘  
不信乖崖久閒地  
吳民遮看老尙書

蕪湖道署燕集上廣雅尙書

細雨于湖路  
揚舡節使過  
高齋春日宴  
江介晚來波  
宏濟時誰賴  
艱貞理不磨  
赭山樓甫落  
歎息話涪皤  
袁爽秋觀察  
修赭山清翠樓  
是山谷遺蹟

從廣雅尙書登石鐘山昭忠祠

江湖交流山壓城  
祠堂照影收江聲  
千瘡萬痍痛徐

海藏樓詩

三

定惟見樓觀  
棲崢嶸已亂  
終疑闕人力  
三十餘年民  
尙瘠山縣荒  
荒僅一祠  
壁記含悲空  
入石刼後神  
州運漸開  
採時須是異  
人來沉吟  
高閣天風  
晚落盡江  
梅長綠苔

復從遊武昌西山九曲亭至陶桓公祠

楚山入武昌  
連峯到江盡  
危亭據九曲  
江樹遙可認  
東坡遷人耳  
名與此山峻  
壁閒潁濱記  
微歎轉清潤  
長沙擅功伐  
當日比廉藺  
平生慕聖禹  
事乃儒者近  
至今讀書處  
老桂散餘韻  
來遊生苦晚  
入世遘多覺  
誰言不逮古  
差喜陪雄俊  
尙書實挺生  
憂國帶霜鬢

高賓有梁訥聲實各隱磷峯頭立小語萬古入鴻陣  
部民爭擁看諸嶺爲微震賤儒世雖棄濟勝頗能奮  
登臨摩倦眼私淑竊自信被髮行歸山振衣向干仞  
上巳吳園修禊  
茫茫相對復江春奈此英多磊砢人各自中年憐意  
氣聊堪一醉祓悲辛層陰坐滯芳菲節樂事偏歸寂  
寞濱未遣風流頓銷歇等閒乞與草堂隣

題上元顧氏忠貞錄

忠節元天性尤悲不遇身從來依草莽何處有君臣  
浩劫灰俱燼貞閨志獨辛表微下廷議未足慰斯人  
箸錄存家乘清門挺雋才友朋傾一世文筆助餘哀  
天道宜昌此人言豈妄哉君看明德後名字已如雷  
三月三十日顧子朋招集薛廬

龍潭一片故依然坐客浮沈過十年能共送春中酒  
後可堪照影綠波前入山計就眞忘世招隱詩成更  
問天秦老顧生莫怙悵好畱豪氣伴華顛

過侯府懷亡友陳幼蓮

東城巷陌年年異雙楮拏空最能記故人何往門庭  
是門外悲風入吾袂當年無日不相見晝語夜談樂  
難比憶嘗酒半去不告君自追我及水次仰天執手

長太息過爾摧折非吾意子宜爲世善自愛是時被  
酒已微醉我居纔距一半鳴強遺肩輿爲送致一日  
塘邊獨徙倚野鴨蔽天帶霜氣北來下輿當我前指  
看秋巒共稱快平生平生幾知已此情此情非夢寐  
盜山顧五號能詩寫我思君得深味顧五子朋先  
有懷陳之作

題章价人太守銅官感舊圖

曾公靖港敗章侯救以免功名震一世雲泥隔歲晚  
歸舟近長沙父老話兵燹山邱易零落銅官長在眼  
作圖名感舊自記極微婉文襄耄年序奮筆亦殊健  
未如王翁歌王秋放浪情無隱曾章今往矣意氣固

海藏樓詩

聖

同盡時髦論紛騰何事挾餘愠道高迹可卑子賢身  
不泯報恩賤者事豈以律貴顯彼哉李子言徒示丈  
夫淺李元度序有不言  
祿祿亦弗及之語

示大七

氣剛在不欺志遠在寡欲器閎在重已量大在愛物  
求名在務實益智在勤學隨波而逐流極貴亦爲辱

五月連雨答子朋

雨晦風昏斷來往窗竹孤鳴映書幌壓瓦宵驚鍾阜  
移開門曉看河流廣寂寂巖城語對牀平生聽雨愛  
虛堂年來顧五空相念短髮青衫滯建康稚星時  
亦在甯

六月三日大雨後詣局

短檐竟夕意難平，侵曉藍輿繞水行。  
日氣含雲迷遠岫，風頭帶雨過高城。  
謀乖舉國天方醉，歲惡緣江眾易驚。  
叵耐放晴終未定，坐聞蛙黽滿城鳴。

六月二十一日愚園集歐公生日

惟將清興慰蹉跎，漸比名園閱事多。  
銷暑一時尋水石，移尊竟日對風荷。  
醉翁去後誰吟怨，傲吏閒來任嘯歌。  
却笑飛卿未聞道，放懷經世待如何。

遊定林觀乾道題名

定林亦何有，惟有石嶢嶢。  
孤泉澀不駛，灌莽圍巖腰。

海藏樓詩

四三

殘寺久難興，敗墻土猶焦。  
俗僧贊佛力，誑語空曉曉。  
那知記名蹟，盛述蛇與貓。  
我懷臨川翁，松岑寄寂寥。  
穿雲復涉水，獨往不可招。  
高躅縱莫尋，神理故非遙。  
清咏入山骨，歷刳元未銷。  
空山一悵望，悽愴心潛搖。  
猗嗟此何世，仰睇仍層霄。  
題名從劍南，終覺習氣饒。  
光緒視乾道，後來論宜昭。  
相牽返城郭，酷日愁山椒。

晚涼

臨河初月挂幽光，出樹雲陰吐晚涼。  
飯後常教移竹榻，秋來最愛住江鄉。  
引身林水神俱適，斂手風塵意已蒼。  
心膽試捫盡，灰冷幾分餘熱祇剛腸。

章希援招集半隱草堂

主人結習在名場酒熟秋高宴此堂遠岫依檐窺客  
坐涼波繞舍占鷗鄉買山莫便嘲支遁種漆還應學  
壽張蓋頂把茅吾事辦未須相對說行藏

南皮制軍六十生日

獨起輝天際尙書若啟明深心逾少壯浩氣貫生平  
諸老唯無術神州久見輕如聞覘國者反報爲司城

二

神完中有恃談笑却熊羆自古雖聞此於公始見之  
个臣坐江漢四海念須眉吾道微如髮還看振孔姬

海藏樓詩

四

雜詩

秋風入庭戶豆實自離離寒來吾事就霜露空爾爲  
柳下與少連尼山所不予誰堪於陵仲谿刻久自處  
鴟夷誠可人爲瓶乃非智奈何磊落士畢生事細碎  
舊邦閔姬漢孰爲挈才雄救僊丁文敝端居獨尙忠  
監子終何成時哉無好手狂夫復登高臨江作重九  
傅苕生茂才歸自揚州餉菊十數盆

年少愛書兼好事傅生風趣果無雙秋來攜得揚州  
句烏榜黃花獨渡江

十月向盡劉五聚卿貽晚菊數種

愛好休嗟晚微言欲辨韓韓詩既晚何用好能畱孤興在正

耐此時看秋氣關人事霜叢耿耿歲寒劉郎應解意冷

淡自成歡

### 濠堂落成

惜哉此江山與我俱不偶廿年去來迹知者有鍾阜  
作堂臨濠上終日對戶牖泊然疑可老豈屑問誰有  
聊忘孤生哀亦避世事醜吾言甯欺天有如堂下柳

### 子朋屬題山水小幅

江東顧五倦遊還占取城西水一灣卷卷清詩皆入  
畫底須俗筆汗溪山

海藏樓詩

早

二士風流比阮嵇年來物役苦難齊欲知白下閒蹤  
跡只向書堂覓舊題子朋所居深柳讀書堂中余舊日題詩最多

### 歲暮

結茅在濠上歲暮一憑闌疊阜雲邊色虛堂雪後寒  
妄懷當世意端欠此心安建業城東水殷勤不厭看

### 雪後第一樓曉坐

以下丁酉

江波海氣曉澄鮮晞髮貪憑碧檻前天半飛樓收雪  
色坐中明鏡對雲烟鴟夷畫舸寧終隱梅福吳門未  
是仙儘有豪情凌百尺只愁無地與高眠

徐進齋觀察屬題李北海古詩十九首墨蹟

干將莫邪難爭鋒自言此書與盧鴻北海自題云故人盧浩然索書

由來文選是家學父子授受善與邕願為鳴鶴殊鴻善本鳴鶴俗

鵠善本鳴鶴俗誰見香象追飛龍書家云右軍如龍北海如象世

閒石刻已希有朱闌麻紙垂奇蹤吾聞堯章論書法

以行為真非專工姜白石續書譜云李邕西臺輩以行為真孟堅復引狂

為戒歛斜流弊妨童蒙趙子固書法鈞立曰須戒北海之狂狂在歛斜流為元章

父子諦觀字裏極駿逸超凡絕迹元難從道州暖叟主

端直獨至江夏終推崇平生頗疑古欺我顏柳以外

皆瞍矇重姿重骨任交詬千金寶祕歸徐公

宋人百牛圖

海藏樓詩

五

野水不成川遠山常隱樹爾牛適何來百態目與遇

貫道師巨然皆出董北苑汰哉擇石翁鑒定憑老眼

錢擇石題為江貫道所作

長安黑色兒掛角讀有異何如多牛翁一生不識字

短布單衣寒東門厲石斑非常猶不遇飯牛歌漫漫

濠堂

抱城水南流春來綠漸肥蔣山繞其北白雲相委蛇

精藍割山光修竹何猗猗岸迴林稍密桃李能成蹊

置堂於此閒非瓦而茅茨據榻攬峰岫開窗弄漣漪

堂前何所有魚鳥長忘機堂後何所有兒女從頑癡

堂中何所有夕陰與朝暉壁間復何有舊榻兼新詩  
人言此堂陋華廡宜纖兒或云此堂偏當路誰高栖  
自從堂之成使我壯志虧甯馨必匿笑焉知曠士懷  
小廊  
門掩餘寒綠盡生小廊淨掃稱閒行春陰庭角雲如  
墨襯出江梅半樹明

答沈子培

委靡謀何濟優游意自哀津梁愁作佛黨錮怕成魁  
海覆虛琴操池枯待劫灰不應子沈子圖霸尙憐才

沈詩云出處非恆  
度粟姚信霸才

海藏樓詩

吳

海棠盛開與稚星似齋二弟同賦

曉日瀾寒霧乍開忽驚絕艷立蒼苔破顏自擅生天  
質顧影難憑傾國媒脂水粉痕空寫照濃春好夢費  
疑猜贊皇花木曾成記忍道根從海外來

二

漫翻譜錄辨棠梨色色香香理不齊三月繁華渾醉  
後一春桃李總顏低牢愁銜子思鴻鵠勝事題詩步  
碧雞記取濠堂人未老花前吟到夕陽西

三

燕郊東出記尋芳流水游龍赴道場沈醉春風圍日



氣斷紅人面擁花光髻年塵夢頻彈指宦況江城獨  
繞廊幾樹如雲俄如雪暗中誰信送堂堂

極樂寺海棠甲天下

四

關心風日凋顏色八九分開已惘然帶露微垂長脈  
脈怯寒猶歛最娟娟朱欄玉砌休論命宿酒殘粧欲  
破禪心力平生殊不負櫻花詩後又三年

三月三十日

一雨海棠盡閑庭春已歸池蛙空閣閣梁燕自飛飛  
晚晚時不與蹉跎心有違鄰園猶可借聊探牡丹肥

幽栖

海藏樓詩

七

空翠曉網緼鳥聲清可聞目成溪上水心悅嶺頭雲  
下吏何妨隱幽栖誰與羣前灣異喧寂絃管太紛紛

寄呂秋樵臨城

中年養熟老難侵小邑纔堪託鼓琴莫道才雄無洩  
處太行萬壘付高吟

栖遲牢落總悠悠世事寧關我輩憂看到揚塵滄海  
後也應不忍話前游

語笑當時是盛時張皇幽眇最能奇杜陵身世非今  
日却辦頽唐作繼之

題吳幹臣觀察邊城籌筆圖

吳已歿

會見侵邊警，寧論距海憂。南藩隳緬越，左股折蠻甌。  
羣醉誰先覺，孤忠入九幽。圖窮心不滅，詩就涕應流。  
陳雨生孝廉屬賦其子婦殉節事

婉婉雙栖子，俄成寡鵠哀。戲言終不負，烈意苦難回。  
乳藥中宵覺，離魂七日纔。憑君續原鬼，莫說望思臺。

趨府

朝官酸黠飾文儒，外官猾鄙矜走趨。營營逐逐各自  
喜，風氣所域無賢愚。江南今日信仕國，腳靴手板尤  
睚眦。嵯峨高牙坐開府，轅門千步闖肩輿。曉風霍霍  
日照旆，排頭競進紛冠裾。分廳塞坐交耳語，飛箱巧  
謀咸有圖。少年票姚逞眉睫，羸老荅颯拈髭須。大臣  
欠伸日加午，倏忽潰散隨僕奴。洵洵一闥竟何取，寧  
有智慮裨訐謨。造物著吾百僚底，飽看頗得言其麤。  
爾曹亦自關世運，吾屬爲虜深可吁。

吳彬士笠竿圖

曾聞襲美語，天隨漁者猶容世。外才今日青衫襍蛙  
屨，羨君漁具畫中來。

上海旅舍二首

海疆信無事，滬瀆復多娛。人意消歌舞，江波動畫圖。  
名浮真得損，計左遂成迂。誰見樓中客，燈前坐欲枯。

兀兀騰騰地聞歌稍覺悲孤懷時自振百折理何疑  
氣已隨年減才應與世衰龍蛇書累紙賴汝作雄奇  
題晚翠軒詩

稱詩有高學云以澀爲貴子豈真可人所詣遠爾遂  
詩懷文字前未得殆難會卽論句法秘大事匪狡獪  
初如咀橄欖枯中說滋味終乃啖枇杷甘平宜渴肺  
子詩實早就流宕可毋畏試週刻意功一極才與思  
向來謬見推淺語不孛贅仍當摹千文爲君題晚翠  
題沈愛蒼正陽集沈初少所作忽以二十餘  
日吟成二卷

海藏樓詩

完

軼事皆庭訓高才定宿根宣南朋好盡忍觸舊巢痕

題吳鑑泉新成水榭

舊隱新營意最殊曲廊小景向來無過橋山色閒相  
引隔水林風清可呼白下羈心長兒女草堂斷句徧  
江湖廿年攜手淮流上照影何人識故吾

贈某孝廉

某將居西湖讀內藏

仁義旣灰死何時會復然有人慕聖任引爲己所患  
一朝欲捨去究彼不二門某甲業頗賤哀子壯且醜  
已矣幸少須胡爲浪踐

八月十四夜四馬路步月遂至江岸

窮年刻意獨何爲，分付秋風爲一吹。自欲登樓託疎  
放，難從倚市論妍媸。淞江幾曲潮皆滿，好月連宵睡  
較遲。可笑希文腸太熱，強持酒淚作相思。

歲不我與寒始來，何以娛君梅正開。村中有君梅有  
主，知君耐寒心似梅。寒入枝頭春又入，坐閱閒歲  
華。急對梅無言三歎息，梅不能言對以臆。庾嶺歸來  
君未老，十年村居惜懷抱。雪中覓路影應孤，月下扣  
門衣自縞。相從滬瀆足清歡，世外吾儕儘往還。誦我  
詩中元有畫朱霞，白鶴滿空山。

海藏樓詩

五

自題三十八歲小照

萬事慚強聒，荆公句中年偏寡歡。養精勤閉目，留待老

來看。

吾年垂四十，頗亦厭虛辭。結習渾難盡，鳴秋略有詩。

九日五層樓登高，蘇軾句又大半闌人眼。

市樓便是登高地，我輩方隨行路人。一醉不辭中酒  
病，九秋還鬥百年身。書來兄弟顏俱瘦，愁裏江山事  
更新。紅紫打圍須未老，可能摩眼向風塵。

西合興夜飲

老大侵尋至，逢場底足誇。菩提心不起，粉黛眼終花。

虹口

英氣殊爲害風情每自嗟尊前思暮雨誰爲鼓琵琶  
江流貫虹口來往獨怱怱海月橫空澹霜天帶曉紅  
蟲沙期共化骨肉事安窮誰判平生意銷沈向此中  
十一月廿八日書事 俄人據旅順

蓬萊左股已遭箝渤海東門枉戒嚴燕雀處堂元自  
若豕蛇荐食更無厭侏儒坐遣衣冠盡姬漢行看玉  
石炎眼底橫流兼落日故山何處認茅櫨  
南皮尙書急召入鄂雪中過蕪湖

絕海浮江短景催浪花雪片門清哀衝寒不覺衣裘  
薄爲帶憂時熱淚來

海藏樓詩

至

舟過金陵鍾山戴雪而卧凝眺有感

依依鍾阜舊崔嵬負雪尤憐玉一堆詞客還從江上  
過濠堂端付夢中來蹉跎知遇存黃土寥落朋儕隔  
酒杯曾是華年磨滅地不關兒女漫興哀

海藏樓試筆 以下戊戌

滄海橫流事可傷陸沈何地得深藏廿年詩卷收江  
水一角危樓待夕陽牕下孔賓思遜世洛中仲道感  
升堂陳編關係知無幾他日誰堪比辨亡

時校定經世文續編

河南張處虛禮辟不可致涼州軍將行被褐忽一至  
邊章乃小醜豈足煩至計中官久無道海內鬱怨氣  
來朝平樂觀祖道空府寺車騎握六師出言誰敢異  
鳴金召軍正酒半一揮鱗以次誅有罪餘黨悉拘繫  
摧山迴日月事若反掌易天地可再造忠正各在位  
何爲不出此震懾頓失次豎子狃常情輕語固傷智  
悠悠魯陽山翩然從此逝

郗超

丈夫倏然如繫囚白斷猶堪歸隱邱人閒郗超不再  
得縱有高隱誰復收當時戴公剡中宅精整乃與官  
舍侔辦資百萬意奇絕未用夷跖窮推求咄哉傳約  
隱不果慎勿輕詆渠非優從來酸寒痼山水焉取名  
節驕王侯士人麤願衣食足鬼神靳汝寧相酬嘉賓  
可作吾可隱買山豈畏譏巢由

叔衡來滬療疾相見泣然因有斯贈

孤生微意本難明氣類凋傷更自驚滄海相逢君又  
病春寒向晚月初傾拂衣世網甘除籍抉目城門敢  
厭兵地下王陳應共笑空將鬼錄數同庚

叔衡言可莊礪宸皆以四十五  
歲卒吾今年亦四十有五矣

三月十一日獨游龍華看桃花

龍華三月春風寺游騎續紛盡日多宰堵百尋標古  
岸絳雲十里壓晴波枝頭照眼餘寒在物外牽腸向  
晚過總道綠陰容易換憑君何處卻愁魔

上海旅次酬顧五子朋顧選得荆溪學官

當時豈意眼中人逆旅相看老漸親蘇子終成寄陽  
羨荀卿猶自客春申溪山緣在官寧腐風雨愁來酒  
未醅他日尋思定何味祇應餘味是艱辛

雜感

積傷不成哀放眼閱眾死短長雖幾希頗復悟意理  
三十四閒正似重圍裏被創兼飲血枕籍動相倚  
脫身老牖下殆出神鬼使疲形墮堅念冲想駐馳晷  
謬云中有得寸鐵恐難恃

海藏樓詩

五三

忍盦才甚銳志業如伯符獨恨情稍急鬼伯疑相驅  
赴名何乃猛短局誰能紓養子豫章材明堂容爾須  
回思平生意攬轡姑可徐

堂堂陳水曹充碩好腰腹十年談笑徒宿草何處哭  
聞其寢疾時羸瘠喪肌肉若云死歸真入夢恐不識  
躁志終自戕內熱一何酷肛軀竟難持瞥眼入鬼錄  
豈徒惜君耳張季語殊毒幼蓮耳甚長季直聞其病危曰吾惜其耳  
秣陵有胡尉狂簡吾所取健犢走復來自謂可長久

昨聞已暴卒驚淚迸遠友寡營素深許於我意尤厚  
云何邁凶折不得見耆耆悠悠或難繼心氣散莫守  
豈如汪廣文老溺色與酒長生欺人語乘興儻不朽  
題張季直荷鋤小照

蚤歲矜狂各愛名中年積憤欠忘情終憐流俗譏評  
淺自覺文章得失輕萬頃吳江容獨秀一垞扶海足  
躬耕殘宵我亦成孤月正要先生作啟明

暮寒

四月二十七日感事

宮中

二聖自稱歡滄海歸人感暮寒旅力既憊

時竟失風波垂定事尤難是非坐共微言絕恢復終

海藏樓詩

五

憑老眼看料得淚痕潛漬筆卅年密記在金鑾

韓偓有金

鑾密記  
五卷

風雨過

樓中獨夷猶坐閱千帆過向夕風掀天何人歌楚些  
天公辦一雨巧與吾意合倚柱復哀吟風霆殷相答

愚園小飲罷復過張園

微醉取酒意倚樓聊共斟風情屬初月涼思在高林  
荷氣清宜晚車聲遠未沉魯連將玉貌不去定何心

六月十八日風起

河干天已曙深巷月猶明殘夢愁中斷孤蟬風外清



向來堅自擲欲去惜終輕此意何人會躊躇獨倚楹  
赴鄂過九江

終日江聲裏憑闌入楚鄉暮雲百重合夜雨十分涼  
赤縣憂空切吳船夢較長平生匡山興天外想蒼蒼  
泊舟九江城外

放懷經世竟何如幕府休騰北闕書惆悵潯陽泊舟  
處江風鷺面對匡廬

六月廿八夜半舟下大通聞江岸雞聲口占

江中聞雞鳴音響極抗烈坐念祖豫州要爲天下傑

海藏樓詩

此去謁吾

主驚人須一鳴難忘晉公語霜鬢爲論兵

七月初三日雨時將入都

倚樓看雨有今日坐憶宵來鬱熱時待與官家區畫  
了秋風鱸膾是歸期

又一首

秋蚊不可見惟覺毒在膚向夕一雨過翛然得我軀  
莞簟生嫩涼衾幬初可俱時節改人意蹉跎哀壯夫

渡海

積鐵黯然流駕霆與之騁時有片雲飛茫茫帶孤影

視海爲吾地方能守此州可憐志士淚空作接天流  
余語舟中人曰此水非海乃豪傑之淚耳

星辰在其上波濤在其下碧落浩冥冥海心玩秋夜  
七夕黑水洋夜起

七歲渡此水往來三十年誰言人未老處處是桑田

七月初十日入永定門

雙闕空嗟峨積塵霾楚囚天橋望落日徙倚將誰儔  
華屋豈不存視之如山邱吾今實桃梗嘗與土偶遊

新館

新館雙松裁似人宵來雷雨長精神十年不踏春城

海藏樓詩

辛未

土贖與寒廳作主賓

庚寅後不應春試乙未及今再入都皆以秋來

三載江湖百不堪病槐相見轉鬢髮欲知閱世安心

法須向空庭老宿參

七月二十日

召對紀恩

皇帝破資格不忽一士微何來江南承是日登丹墀

曉色麗禁闈流光度杳恩內官肅前導屏氣當簾帷

大哉本朝法獨對無所疑榻前咫尺地君臣義在

茲天容何清聳堯顙高嶷嶷咨汝宜盡言愀然聞

累欷於時實忘身長踞紛陳辭臣聞立國本有備乃

不危積弱非一朝無兵決難支願言示所急舉國知  
所歸以我億兆人潰此千萬圍致死而後生其端自  
毫釐士夫躬爲倡事實不可遲禍來侔丘山甫去皆  
燕嬉初無憂患情何從振其哀所陳第一義舍是非  
臣知忠憤見聲色封章出諸懷

上意爲之動引手受所齎再拜奉身退踟蹰獨含悽  
耿耿宮燭光搖搖在心脾

九日虎坊橋新館獨坐偶成

前一日乞假得允

九日宣南晝閉門幽花相對更無言殘秋去國人如  
醉晚照橫窗雀自喧坐覺宮廷成怨府仍愁江海有  
羈魂孤臣淚眼摩還暗爭忍登高望帝閣

海藏樓詩

七

十三夜對月

秋月遂如此詩人胡不歸閨愁將細字旅況待寒衣  
一顧當途淺方知所徇微循廊千百轉底處可忘機  
泊九江  
葉葉風帆疊疊山涼波浩渺暮雲斑愁人何許腸堪  
斷只在殘陽欲墜閒

漢口得嚴又陵書卻寄

江漢湯湯首重迴北書函淚溼初開憂天已分身將  
壓感逝還期骨易灰闕下驚魂飄落日車中殘夢帶

奔雷吾儕未死才難盡歌哭行看老更哀

聞胡琴有觸

好春閒過卻傷春花月江山迹易陳一念十年銷未  
得畫樓銀燭坐懷人

坐懷連用

等閒未解惜流光草草鶯花過眼忙縱使風情渾不  
減中年引鏡已迴腸

游漢陽古琴臺

小山障江帶城陴官道繞出湖一涯岡巒黃落荷芰  
死展此百頃涵空漪古臺在斯實微阜牙琴久絕音  
已希我來撫膺坐還嘅小憇聊敵疲與饑物生能事

海藏樓詩

五

蓋殊趣如魚自潛鳥自飛眼前山水誰賞得況乃意  
象窮淵微百年人已竟孰重奚取辛苦求中期汪銘

容甫

宋歌

莊灣

騁文字兵火所隔餘殘辭游入三五

豈懷昔競愛亭榭娛斜暉呼舟撇波絕湖去迴望延  
仁含清悲

題海昌陳氏蕉桐滌硯圖

中有錢香樹題詩

昔日揚州守流傳滌硯圖功名循吏傳風采列仙儒  
浙水徵文獻乾嘉盛士夫不辭題卷末端似太平無  
十二月赴鄂舟中閱天演論

照影吳波熟栖栖歲又殘雪呈山萬態風策日孤寒

楊墨途窳合人天理未安莫持逝川旨添淚入迴瀾

除夕 在漢口

畱楚逋臣黯不言入江漢水夜逾喧今宵安得通宵

夢夢過松江向故園

時兄弟在閩而妻孥寄滬

志業區區漫愴神行年四十老相親梅亭松柏風吹

醒猶是中宵飲泣人

福州西門梅亭先考妣墓在焉

人日雨中

以下己亥

人日梅花空滿枝閒愁細雨總如絲臨江官閣晝欲  
暝隔岸楚山陰更宜逋客偶來能自放翔鷗已下又  
何之憑闌可奈傷春目不似江湖獨往時

海藏樓詩

五九

正月十六日梁星海約游琴臺

倦看江漢接天流從子高歌醉一邱梅雪欲銷猶點  
酒湖波乍暝已勝舟琴因感遇聲終歇士有傷春淚  
不收堅約蹉跎更棄興中年存歿試迴頭

廣雅尙書招同姚園探梅

看遍官梅愛野梅自麾騶從踏莓苔入春風色連林  
覺過雨山園一半開賞會未妨饒勝事憂勤終是斬  
深杯尋花士女成圍處競指元戎小隊回

偶占視石遺同年

一世詩中豪用意常在小永叔故可人舉頭驚飛鳥

南皮舉介甫語爲問余答之

臨川不易到宛陵何可追憑君嘲老醜終覺愛花枝  
石遺示詩云着花老樹初無幾試聽從容長醜枝

詩要字字作裕之辭甚堅年來如有得意興任當先  
田舍計最高本自輕元德徑上大牀眠陳登翻作客  
石遺嘗渡江過余就下牀臥竟夕故戲之王荆公有  
詩云無人說向劉立德問舍求田計最高

江樓雜作

高閣下臨江獨居無與語坐看春水生十日鳴江雨  
甘苦難喻人何爲箸談藝相知定吾文未可望後世  
平生江湖思中年去住心孤帆向空盡暮靄帶山沉

海藏樓詩

李

去日總如夢浮生徒自勞樓頭夜深客閣坐聽江瀉  
梁星海山長招陪廣雅尙書兩湖書院看桃  
花

斲石治廣除納湖以爲囿長廊行欲盡橋影帶高雷  
迴看何冥冥柳浪覆千甃緋桃閒深淺繁麗如展繡  
頰顏頰始怒誕意縱未透離離弄妍日爛爛燒春晝  
雄堂中勸學海內鬱奔轅九流百家貫一破萬古陋  
賓師得烈士懸鏞待眾扣主人扶僮至最愛循墻走  
鬚絲映花枝頗似飯顆瘦相將開水閣遠思發醅耐  
拍波起羣鳧遮眼拖孤岫微言引深感世議安叢詬

樹人同樹木時事猶可救十年才輩出行與木俱茂  
從公且婆娑河清人自壽

續雜詩

橫風驅奔雲漏日射驚浪出沒雲濤中江鷗意殊壯  
桃花映朝日艷冶光四射嫣然雙海棠垂紅倚簾罅  
門外大江橫翻覺詩難好吟就武昌花寄與南皮老

買花二首

朱顏棄我去繁花爲誰妍春來當自惜莫惜買花錢  
身老心尙孩才衰語猶綺未可破沉迷一生端賴此

洪山登南皮尙書閱兵臺

海藏樓詩

空

跨城山勢各依依遙愛浮圖插翠微桑麥欲成春半  
過江湖長繞客安歸其亡隱痛南公語可去曾聞穆  
氏幾莫倚高臺看落日論兵殘淚向誰揮

余去歲在都  
召對乾清宮極言練兵之急

示女景兒垂二首

愛女名景德徽字學我讀書音酷似景汝來前父教  
爾莫信鬼神信道理莫愛豪華愛義禮容人之過稱  
人之善居心仁厚百福始非徒言之在踐履景能行  
此吾愈喜

垂也年十三勤學氣頗高男兒胸中寬要作萬人豪

敬賢閔不肖愛物隨所遭寡欲自超然富貴真鴻毛  
汝父學孟軻救時心徒勞疇能繼我志所願在爾曹  
對牡丹作

牡丹花已發日日入歡場香重渾成醉春酣欲化光  
朝霞生近坐寶帳出巖粧山甫多才思縱橫未可當

三月十二日作

人生三十爲一世失卻少年安可悔朱顏銷盡四十  
來昔日風情竟何在功名自是誤人物敗德喪眞作  
吾害不妨小待老堪憎付與世閒償宿債平生心得  
祇乘興百折千磨終不壞文字緣深豈易拋色塵意  
起殊難戒江山滿前花競發性不能飲亦已醉向來  
不信說天公後世知音應有采

海藏樓詩

三

漢口春盡日北望有懷

牽懷何意猶疑楚水銷魂似別離往事夢空春去  
後高樓天遠恨來時袖閒縮手人將老地下埋憂計  
已遲莫道一生無際遇靈脩瘦損記風儀

送荆宜施道俞君實解官歸養

去官信爲樂見親方是歸焉能視日月荏苒辭庭闈  
俞公仁甚勇所學在不欺拂衣誰得止神助非人爲  
萬眾惜其去臨歧惟一揮奪得塵中身還爲郟下兒



我心懷寸忠自放漢水湄爲忠不如孝嗟公遂其私  
虞山有國老顛顛想霜髭未可聞此語憑公寄我思  
廣雅尙書生日以詩爲壽

莫道希文窮塞主却教矍鑠敵清貧垂天斗柄諸方  
見入海江流半壁振憂患老來身自扞須髯白盡氣  
逾新閒鷗不爲詩翁戀浩蕩烟波恐未馴

偶題

臨水知身老驚秋覺世移道人餘習氣花落戀空枝  
畏暑久廢吟初涼頗思酒檻外足風濤秋江落吾手  
八月六日攜炳垂二子登晴川閣

海藏樓詩

奎

危磯赴水作孱顏二水縈回見帶環檻外千帆皆入  
閣城中萬戶總依山廿年藍縷規殊遠一老經營事  
已艱恨殺江流偏到海端令憂患滿人間

八月十九日曉起

夢中猶自感勞形落月穿樓戶未扃欲遣秋懷供一  
睡隔江鼓角喚人醒

按視黃陂工次丁牧國楨諸倅以泰相送至

瀨口

藍輿輕駛勢如飛百里秋原樹影微雲外木蘭何處  
是卻將晚雨送人歸木蘭山名在黃陂北鄉

丁子賢聲滿三楚諸君偉抱有成書以泰有上趙侍郎論兵事書  
看渠恰是功名士何日中原共掃除

八月廿七日挈孥渡江居武昌大潮街湖舍  
扁舟載兒女何處是吾家楚客愁千斛江天秋一涯  
地偏聊可避計拙未爲差枯樹門前倚沈吟待暮鴉

又

世人良自淺非爾獨能深老意趨枯淡孤蹤近鬱沈  
方成隔江望一縱倚樓心對面誰相識栖栖未易尋  
九日風雨中子培自揚州來見示新作

重九不能出江天風雨霾故人吟楚調秋氣滿高齋

海藏樓詩

齋

離合十年所交親百事乖莫言堪放浪可念是形骸  
九月十五夜月下作三首

霧起江旋隱雲橫月自華何人念秋柳疏影尙天斜  
沈寥氣未清空水自文明樓外無所見烟中聞鶴聲  
涼影白紛紛空中行一鏡下有獨吟人不隨萬籟定

過眼二首 九月二十日作

過眼誰知果與因物華易換我難春風懷收拾應將  
盡只作花前悵惘人

萬恨千愁總爲貧休論墜溷與飄茵江頭蓬鬢扁舟  
去畱取秋波一段鬢

呈栗兄 十月十三夜月下作

秋風吹客武昌城夏口新霜著木頰楚月初升依薄  
霧江流乍落動寒聲平生幽興端難遏投老名場暗  
自驚憂患如山容一罇聊憑佳釀醉阿兄

廣雅畱飯談詩

半生作詩多苦語一見尙書便自許彌天詩學幾詩  
才五百年閒闕標舉寢唐饋宋各有取挹杜拍韓定  
誰主忽移天地入秋聲欲罷宮商行徵羽  
初日照廊霜後暖爛漫秋花階前滿抱冰堂上坐人  
豪對酒論詩暫蕭散世難如山未易開袖中短筆太

海藏樓詩

空五

清哀黃圖赤縣看公在乞取江湖放浪才

聞江建霞京卿卒於蘇州感賦二首

西北空憂倚蓋傾傷心諸子共時名先登已作行閒  
氣定論終推牖下榮著述蚤成酬短景風流頓盡薄  
餘生蘭膏煎後天年天一歎吾徒意未平

二

詔書文下震朝端江鄭同登世所看不出固應全首  
領獨存眞欲裂衣冠 龍顏日角縈魂夢玉宇瓊樓  
警歲寒極目茫茫天又闊淚河莫爲助波瀾

孝感道中

山蹊斜繞澗村市暗通橋紅樹春常在沙河雪不消  
信陽雙林寺

雙林左院黃梅樹雨浥寒花脈脈開莫爲幽香歎岑  
寂道人曾此小徘徊  
李家寨輿中

牕懸柳林月衣帶信陽酒不見何景明孤吟振林藪  
題道旁孤魂祠

山重水複野縈迴雲翳風昏晝不開路出荒祠須一  
哭迷魂自好莫歸來

答沈子培見訪湖舍不遇

海藏樓詩

李六

我生安歸指菰蘆美此積水來寄居循灣常記一枯  
樹到門猶隔千畦蔬子知吾居第幾湖枉用相存命  
肩輿輿中萬態入詩眼助子吟思清而殊尋常叩門  
客有幾自謂敝老眞吾徒如何乘興適相左此段堪  
畫誰能圖街西道人微有鬚湖孺居士暫且癯武昌  
城中悄來往孤絕頗似雙浮屠市人或指訝二子何  
許流落形垂枯豈知閱世意皆倦握手中有多歛歔  
斜街諸隣不可呼存歿聚散痕欲無當時癡腸那復  
熱賸有世議窮擲揄明年計君決北向與我暫合終  
當疏涪翁有語會記取一面全應勝百書

閱報

檻外江濤風動天梅酣閣煖又經年長愁可復知閑  
味不飲那堪近酒邊閱報終朝成抵几收身上策只  
求田善夫老去空摹杜雪涕何從拜杜鵑  
上稱疾罷元旦朝賀並停筵宴

紅梅

歲闌人意苦難春春入枝頭最動人已借風霜成爛  
漫那教桃杏比精神簷前索笑寒侵手樓角尋詩雪  
滿身欲識吳姬須秉燭搖紅影裏定誰真

二

海藏樓詩

李七

濃香竟日繞房櫳絕愛橫斜幾簇紅疎幹自生畫本  
外眞花宜著鏡屏中春回小閣詩初就煖入朱脣笛  
未終卻恐先開還易落從渠帶醉倚霜風

三

冷落詩人瘦不辭風懷銷盡費維持斷橋流水相逢  
地絕代朱顏一笑時夢到江南花艷艷書來鄉國樹  
垂垂眼明正覺吳粧好莫爲微頰訝玉肌

四

一段幽光初破冷數枝奇色已含胎正教雪重終難  
壓猛覺春酣只半開酒醒乍驚翠羽墜詞成便換小

紅回誰憐省識東皇後耿耿丹心獨未灰

春寒

以下庚子

纔銷岸雪轉江風便覺春寒意不同澹澹輕雲隨薄  
日微微遠岫出遙空孤懷喧寂元無著世變新陳各  
自工物外但教容七尺莫將目力送歸鴻

定林訪碑圖爲徐積餘題

丙申六月  
余亦同遊

題名巖腹墨猶濡惘惘相看入畫圖一段煙雲成故  
事十年江漢老今吾鍾山遊侶蹤誰繼乾道詩人世  
已無賸就徐郎求搨本霜松雪竹共模糊

營盟鷗榭旣成以詩落之

海藏樓詩

空

畸人雖無心戲具未遽擲蓋頭茅一把取足寧吾魄  
去江不十步矮屋久欹側我來掖使正意外忽有獲  
取山置南窗決天入東壁白鷗果來下欲與我爭席  
拊楹一長歎頓失向來窄是時瞻將圓百里漾皓色  
中宵風何怒驚浪拂檐白暄涼理相召此變固已劇  
超然獨燕處熟視忘語默玩物未可非喪志乃一適  
丁叔衡畫便面見貽以詩答之

形骸本死器神識來寄居持此遊人間如體著衣襦  
少壯實美服意氣豪且麤老病服漸弊瑟縮情不愉  
夫何久喪我從渠作榮枯一朝得自識奮迅不受拘

於世定奚缺所憾良區區恆齋雖病廢神完能自娛  
作詩遠寄我巧兼畫與書我謂子無病非病乃其逋  
平生意相親重子甯以軀子誦此詩終霍然還壯夫  
夜起  
林杪春江月上時樓中清影久參差四更欲盡五更  
轉猶有幽人戀夜遲

寂寂

寂寂春歸小閣中牡丹半已委殘紅傷春枉是傷懷  
抱自起推窗倚暮空

盟鷗榭偶占

海藏樓詩

堯

風從金口來入我盟鷗榭欲尋半日閒臥看斜陽下  
四月十一夜步江岸

樓臺月下皆飛動江漢風前自激揚可惜無人共奇  
夜輕寒著袂倚茫茫

送子培北上

南來誰信北歸難分手相看鼻屢酸天外驚疑沈帝  
里江頭顛顛病郎官餘生家國終多負當日名流略  
已殘去去吾儕須忍淚盈眶猶熱莫輕彈

泊舟瀟口觀湘鄂援軍北行

湖波淼淼欲漂山淺阜醜湖辨綠灣初日漸依帆影

出曉風乍拂蓼枝還漁邨銷夏藏江潯驛路連雲貫  
楚關可念湘鄉諸子弟只憑身手入兵閒

窮母傷兒不欲生滄波白日隔幽明一哀出涕真何  
謂避取回頭忍淚聲

夜起江樓口占

太白明北風作江中飛浪高入樓不似羈人懷抱惡  
八月十一夜雷雨

高樓洞開秋始涼沈沈夜定風穿廊幽人獨臥意殊  
適江聲入夢含蒼茫驚回雲氣忽逼帳雷奔電激還

海藏樓詩

七

繞牀喧闐久之亦已寂意氣空盛終銷亡殘燈未滅  
蟲蝠沸競此短夜爭微光

感憤詩四首

羣昏自稱豪一奮碎神器罪魁有三士不在徐剛輩  
榮光首拒戰咋舌敵已怪聶馬久枝梧彼族嫌強對  
朝中輕諸子謂虜不足畏何虞果掩至很復得狼狽  
脫令津沽閒海城早爲帥微聞金鼓震萬眾已奔潰  
牽羊必肉袒所全詎百倍京師安如山完取十萬械  
吾言匪詭誕嚼血聊自快  
瘼狗無不噬弊木無不標重黎卒死難勁節殊皎皎



許子盜所憎要領安得保異哉立聯徐駢首豈同道  
哀許吾傷之決去胡不蚤何人與湔雪未可恃蒼昊  
京城知必陷所苦吾

主耳黑衣縛袴褶無異逃李子當時設有人奉

上匿鄉里逡巡稍南趨北嚮下 詔旨遂興燕齊甲  
自翦畿輔匪諸蕃孰不從稅政悉可理徒手援天下  
甯用折一矢吁嗟失此會秦晉入井底

死或不蔽辜論罪當以榜秉衡等徐崇纔可謂漏網  
吾嘉宣化守擊剛奮忠讜奈何褒海城此李反見枉  
天步方艱難是非在刑賞可令天下士西望徒怏怏

海藏樓詩

盟鷗榭雨夜獨坐

主

江聲定奇絕氣涌如排山忍寒吹燈坐得意風濤間  
風江已自豪妙雜秋雨響次寥不可名閉目試一往  
九月初四日叢妹四十生日栗兄置酒作詩

胥及裡弟皆作一律寄之

長兄置酒菊花黃阿妹歸來共一觴物外年華纔四  
十眼前風景是重陽思親何處尋京國問我還應話  
武昌知否倚樓人漸老江風吹鴈不成行

登大別

風頭過水欲生波江漢登臨意若何變態憑誰閒領

略晴川閣外雨雲多

渡江觀武建軍合操

妄人輕召兵敗績坐不教十年未可復士氣太凋耗  
此軍何所用身手好年少誰能結以恩湯火豈難蹈  
悽傷就步伐悲憤入騰越庶幾哀者徒免爲敵人笑  
尙書氣不餒勅略被將校胡爲致詩客戎幕議增寵  
何當出短歌傳誦徧營哨居然懷國恥收取毛錐效  
角聲尙盈耳旗影山椒繞水落舟更遲橫江憐晚照  
傷壽伯弟仲甫

三年伏處絕艱辛。赴死終傷志未伸。四海朋交俱失

海藏樓詩

圭

望一門兄弟自成仁。高林奮筆傾酸淚。張卓函書帶  
戰塵。莫怪褒忠殊不及。朝衣東市是何人。

伯甫自戊戌後深自韜匿京師陷兄弟皆仰藥嘯  
桐琴南弼余芝南與予書皆以賜卹不及爲恨

陳叔伊次子聲漸歿於天津之亂叔伊自爲

哀辭使余題其後

神京烽火莽連雲。愛子書來隔虜氛。魂夢飛揚多幻  
想。道途驚絕入傳聞。栖栖江漢詩人老去。去家山落  
日醺。賸有哀情似熙甫。一篇思子綴奇文。

十一月廿七日雪中作

楚山盡作曉雲橫。驚浪徧含急雪聲。潑墨江天如薄

暮凝寒樓閣轉虛明  
釣篷斂岸行蹤杳  
凍羽喧枝墜影輕  
不是微之倦乘興  
恐將千謁損詩情

是日欲詣廣雅不果

十二月十六夜月下作

歲盡寒殊苦  
晴明得此宵  
月將冰共照  
雲似雪難消  
樓影清如畫  
江光靜更搖  
誰憐庭下柏  
相對不成凋

江漢

凍苔漸活到梅根  
暖日搖波出岸痕  
客裏春光生悵望  
鷗邊山色易黃昏  
嶽崎已覺人堪笑  
強聒終嫌舌尚存  
江漢思歸歸未得  
腐儒何必屬乾坤

輓何梅孫以下辛丑

海藏樓詩

三

一生相見只三年  
後有千秋付杳然  
吾黨已孤胡見奪  
海濱欲老更無緣  
卷懷獨覺天民貴  
講學還憐士氣堅  
遺墨數行題歲盡  
可堪追答向重泉

除夕得手書有東海

老農之約

江寬舟中作

赴海江何急  
西行我自還  
中流分列郡  
小立過千山  
激浪雷長繞  
穿烟鳥獨閒  
三年南楚滯  
暫去亦開顏

金口至青山隄開告成賀廣雅尙書

天迴地轉事不同  
鄂州行爲天下衝  
勢如奔虵脊先起  
誰歟見者抱冰翁  
見之非難謀豈易  
一世沈沈在

夢寐下手驚看國手棋殺意未呈機已備登山支頤  
久端相城東渺渺連湖光決湖捍江出平陸何時事  
成眾方覺金口桃花青山柳百里驅車一回首湖水  
入江更不回膽落江神避髯叟十年前後試商量北  
燕南粵歸吾堂要令土與金同價那得高原可種桑  
用淵明語

三月十二日作

懷才不自勝兒戲引一粲及此未老閒餘春勤把玩  
志欲俟河清歲月稍見奪吳越有具區興發不可遏

薛烈婦彭氏哀辭

海藏樓詩

苦

才美年何促情深義不生爲養身亦累同穴意殊明  
父執多名士哀辭遍郡城佳兒與佳婦誰忍看銘旌  
四月二十日夜起

坐覺樓前江水深江風收雨動高林半規涼月通宵  
色一枕勞生向曉心故里欲歸眞自調幽憂爲疾獨  
難禁好懷不惜銷沈盡那向人間罪陸沈

杜陵畫像

杜陵一生百不就至死不爲天所祐誰知歷劫行人  
閒造物安能如汝壽詩者一人之私言或配經史垂  
乾坤丈夫不朽當自致假手功名何足論

寄王又點

王於庚子五月自天津脫歸以詞  
寄余

哀音通世變詞客似嗚鴉去亂聊全已知微莫問天  
誰言登樓賦得並望山篇我亦沙鷗侶江湖不計年

述哀

榕城疫盛行人鬼爭出歿里中喪族弟俄復奪一姪  
姪年已及壯蹉跎未授室愆期我負爾兄嫂老彌鬱  
於時迫端午次兄方臥疾書中道無慮悲悻常忽忽  
何來鵝車碾一擊碎心骨父子相繼逝先後纔旬日

二

我持栗兄書猝不知所爲自呼神略定勃然湧千哀

海藏樓詩

十五

兄書本細秀兩紙字纍纍二喪仗經紀智慮饒安排  
疾疫甚刀兵一言傷我懷江船幸未發飛書還相催  
行聞別無語速去勿遲迴我兄但自脫婦稚徐更裁

三

淦子赴弟喪炳子之日本我特促之行所慮良在遠  
炳前跪告辭酸淚爲一泣方當迎而父但去毋悽斷  
爲農堪養親世變莫挂眼三年學成就聚首日靡短  
東人況善我受託頗繾綣而父書云云望汝意不淺

四

乞假居持服懸懷在長兄張沈來自吳入門偕吾慳

匆匆相弔慰語次心屢驚初聞兄又卒無淚眼空瞪  
究窮死所由號叫肝自崩陳郎書在手白日非幽冥  
行年已六十兒輩盈階庭何苦而輕死自沉爲獨醒  
因憶神戶歸失足落東溟墮河經再厄胥種終相迎  
我欲叱閻羅鬼籍除其名不然當把臂地下從先靈  
張季直沈子培也 陳謂篔元妹丈

五

兄亡非緣疫其故獨何歟畏疾而馮河哀哉豈此愚  
寄書且視妹所言固不虛書詞靡脊亂巷陌多繞紆  
河之水悠悠城東得遺軀終時作何狀割愛從黿魚  
爲弟誠無狀不能摻其祛兩兄挈一姪何許相睚眦  
知死不可讓以次當及余

海藏樓詩

五

六

死喪雖甚威後死方有事門中二十口舍我將誰寄  
致書使亟來惡瘴猶爲厲漢陽趣賃屋規以安汝輩  
三棺當暫厝聞歲待我至解衣獻蒼山和土將血淚  
築成名恨塚償我無窮意炳乎汝勿歸父死叔尙在  
東行吾計定世亂重抱耒

七

稚辛聞此變千里來共哭四支已半摧一手倚一足

作書寄護妹天地此骨肉事牽難久畱送汝使我獨  
登舟一悽惶去去意殊酷樓頭臥更起船尾燈猶綠  
江波闊漲天風雨欲揭屋餘生付殘世何地同啜粥

聞呂秋樵卒於開州

早從吳下羨風情晚落幽燕重老成玩世坐令奇氣  
盡救貧卻怪長官清同遊餘味關懷抱分手微言隔  
死生親見翕皇西狩日恨君無命待還京

護妹痛兄而頌作訣妹辭

如欲有云不知何言中心冥頑孰爲辛酸我有女弟  
曰嬪于陳孝恭無閒族姻歸仁天禍吾門兩兄繼捐  
子不勝喪從之九原嗟我與子名爲弟舅少小相依  
長而遂分此分非他子亡我存各有恨淚流爲黃泉  
往者萬古來者億年爾我甚疏倏忽其開手足奚親  
萍梗奚緣我尋子形况若夢殘兀然驚疑匪醉而顛  
嗟我與子名爲弟舅曾謂弟舅不如路人子爲枯骸  
我爲游魂從此長絕理無復全

七月廿三夜

勞生吾尙在骨肉幾人存殘夜自風月高樓入夢魂  
楚山俱不寐江水復何言懷抱從來惡雞聲莫更喧

漢陽視嫂姪等

入門忍淚獨徬徨。人事難追恨更長。誰遣中年判存  
歿。翻成逆旅對孤孀。魯山巷口秋風碧。襄水城頭晚  
照涼。回首梯雲雲斷處。連宵歸夢墮蒼茫。梯雲里宅  
今且空矣

鷓鴣聽瀟

武昌城東山簇簇。夏口無山藏萬屋。大江挾漢俟北  
行。照我窗前山影綠。江雲忽起失峰巒。推窗惟有波  
如山。看江苒苒看風雨。長日驚雷繞坐閒。

乍寒

九月二十一夜微雪

卷卻秋江付白雲。倚闌暮色漸難分。今宵小閣寒如  
許。贏得瀉聲徹夜聞。

海藏樓詩

七

林社

爲杭守林公啟作

蒼天不可贖。此老亦已葬。區區身後名。未足塞眾望。  
杭人悲太守。作社寄湖上。千秋姓林者。山水擅佳藏。  
平生不隨波。意氣一何壯。於何見顏色。隔岸聳秋嶂。  
文章易朽耳。在口卽行狀。爲我問孤山。年來誰絕唱。  
漢口月望夜送易實甫

悵望瀟湘晚。詩人獨去秦。行看秋葉盡。歸及月華新。  
舊憶思廬阜。微辭見庾塵。眉閒尙精悍。誰信得閑身。

月

月是釣愁鉤。鉤來無數愁。月愁有密約。相見五更頭。



十一月十四日北風欲雪登樓作  
木落雲荒短景催江號樓迴暮空哀北風吹客忽已  
晚壯歲辭六殊不回兀兀只成天共醉茫茫始信世  
無才三年魏闕休迴首極目嗟峨是債臺

日本岡幸七郎示其師楠本天逸事略且求  
作詩即用楠本原韻

學問不一端要以仁爲歸在野抱忠孝安仁殆庶幾  
天逸論知行精詣今所稀子陸眞雲卿終古誰能譏  
閱世臥巖壑浩然老不衰吾觀鳳鳴學有當非玉卮  
其事略曰楠本名孚嘉兒前國針尾島人其諱學  
處名鳳鳴書院年二十三餘辭大學博士歸意自  
嚴子陵蘇雲卿其學以大學中庸爲主嘗曰大學  
是性學之書主知故自格致入中庸是心學之書  
主行故自戒懼入今年七十矣

題林 臣孤山補梅圖

穿塚仍依處十頃栽梅人去有餘芬年年春到孤山  
麓幾樹梅花屬僕君

端午橋中丞屬題秦權拓本

開皇穿地謚量器隗狀或作林者非甸齋尙書中所  
得始信黃門不吾欺四鈞爲石云極數先後二詔具

刻辭辭意精嚴書亦稱典重氣欲無鼎彝吾聞先王  
歲稽器量衡律度殊等差地官司市禁偽飾不中不  
巧市乃譏政行四方實賴此季末雜亂風益下  
後宋慕復古懸式俄弛誰能持今觀此鑄起明  
壹別白除歉疑軌物垂則聖有作坊民正俗所宜  
儒生論秦輕詬病亭林語對此使以增歔歔尙書憂時  
進狂狷必採陶說容瑕疵會稽刻石彼猶取崑山可  
作真吾師



津 古	册数	1
	定价	1.50

